

Ammasumik ataatsimiinnermi oqaluuserisassat:

- Imm. 01 Oqaluuserisassat akuersissutigineri
- Imm. 02 Borgmesterip nalunaarutaa.
- Imm. 03 Ataatsimiititaliani siulittaasut nalunaarutaat.

Aningaasaqarnermut tunngasut

- Imm. 04 Sisimiuni Ilaqtariinnermut immikkoortortami immikkut aningaasaliiffigineqarnissamik qinnuteqaat.**
- Imm. 05 Immikkut aningaasaliisoqarnissaanik qinnuteqaat, konto 45 pisortarnit ikiorsiissutit, Maniitsoq.**
- Imm. 05a Immikkut aningaasaliisoqarnissaanik qinnuteqaat, konto 47 utoqqarnik isumaginninneq, Maniitsoq.**
- Imm. 06 Illoqarfinni sunngiffimmi immikkoortunik naleqqussaaneq, Maniitsoq eqqarsaatiginerullugu.

Suliassat nalinginnaasut

- Imm. 07 Qeqqata Kommunia pillugu kukkunersiuisut nalunaarutaat normu 12 aamma 13.
- Imm. 08 Nunaannarmi qamutunik motoorilinnik ingerlaffiusinnaasut pillugit nalunaarut.
- Imm. 09 Qimmit qitsuillu pillugit ileqqoreqqusap akuersissutigineqarnissaa.
- Imm. 10 Qeqqata kommuniani meeqqat atuarfiisa aqunneqarnerini ileqqoreqqusamut siunnersuut.
- Imm. 11 Aningaasaqarnermut ataatsimiititaliap kommunalbestyrelsillu 2014-imi ataatsimiiffissaannut siunnersuut.
- Imm. 12 Qeqqani Inuutissarsiornermut Siunnersuisoqatigiinnik (QIS) 2014-imiit 2017-imut isumaqatigiissutip nutarternera.
- Imm. 13 “Nunaqarfimmi aqutsisut inuusuttai”-nik aallartitsisoqarsinnaaneramik inassuteqaat.
- Imm. 14 Atassummiit siunnersuut – kommunip allaffiisa pingasunngornermi matoqqasarnerata atorunnaarsinneqarnissaa.
- Imm. 15 Kommunalbestyrelsimiit sulinngikkallarnissamik qinnuteqaat – Siverth K. Heilmann.
- Imm. 16 Borgmesterip tulliaa aappaanik ataatsimiititalianilu ilaasortanik nutaanik sinniisussaannillu toqqaaneq.

Paasissutissiissutit

- Imm. 17** Borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. xx, xx. xxxx 2013-imeersoq pillugu tusarniummut paasissutissiissut.
- Imm. 18** Akissarsiaqartitsineq pillugu nalunaarutip allannguutai pillugit tusarniut – sumiifinni ataatsimiititaliat ilanngunneri pillugit paasissutissiissut.
- Imm. 19** Tamalaat.

Ataatsimiinneq videokonferenci atorlugu ingerlanneqassaaq aallartissallunilu nal. 8:30

Peqataasut:

Atassut

Inuit Ataqaatigiit

Siumut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Imm. 02 Borgmesterip nalunaarutaa

Aalajangiineq

Imm. 03 Ataatsimiititaliani siulittaasut nalunaarutaat

Aalajangiineq

Imm. 04 Sisimiuni Ilaqutariinnermut immikkoortortami immikkut aningaasaliiffigineqarnissamik qinnuteqaat

Journalnr. 06.02.01

Tunuliaqutaq

Ilaqutariinnermut ataatsimiititaliaq 2013-imi novembarip 18-iani ataatsimiinnermini, immikkut aningaasaliiffigineqarnissamik qinnuteqaatip suliarineqannginnerani, immikkoortumi atuisimanermut annertunerusumik sipaaruteqarfusinnaasunik allaffeqarfik nassaassarsiorluni misissuissasoq aalajangerpoq.

Tamanna tunngavigalugu immikkoortortaq kontonik tamanik misissuereerpoq, atuneq ukiullu sinneranut Ilaqutariinnermut immikkoortortaqarfimmit atuinissamut naatsorsuutigineqartut tunngavigalugit, Sisimiuni Ilaqutariinnermut immikkoortortarmi immikkut aningaasaliiffigineqarnissamik qinnuteqaatissatut siunnersuut innersuussutigineqarpoq.

Maleruagassatigut tunngavissaq

Qeqqata Kommunianut karseqarnermut naatsorsuuserinermullu maleruagassami imm. 3 imm. 2.3-mi allassimavoq, Kommunalbestyrelsi aningaasaliissutinut oqartussaassuseqartoq.

Pissutsit atuuttut

Immikkoortortaqarfiit peqatigalugit kontoqarfiit ingerlatsivimmit misissorneqareerput, kontoqarfinni arlaqartuni tulliuttutigut agguataarneqarlutik atuffiunerunissaat naatsorsuutigineqartoq paasineqarluni:

Ilaqutariinnermut immikkoortortaq Sisimiut		Missinger.	Atuinnermut naatsors.	Immikkut aningaas.
Konto	Kontop taaguataa	(1000 kr)		(1000 kr)
40	Meeqerivinni akiliunneqarluni inissat	160	141	-19
41	Meeqqanut inuusuttunullu ikiorsiiniutit	11.852	12.907	1.055
43	Siusinaartumik pensionit	5.507	8.811	3.304
44	Uersakkamut akilersuutit	192	192	0
45	Pisortanit ikiorsiissutit	6.040	11.556	5.516
46	Isumaginninnermi aningaasartuutit allat	412	669	257
47	Utoqqarnik isumaginninneq Innarluutilinnut immikkoortortaqarfik	25.984	31.186	5.202
48	Sisimiut	37.884	34.200	-3.684
49	Isumaginninnermi aningaasartuutit allat	160	160	0
Ilaqutariinnermut immikkoortortaq Sisimiut katillugit		88.191	99.822	11.631

Tulliuttutigut kontonut immikkut aningaasaliiffigineqarnissamik qinnuteqaatit agguataarneqarput, taamatullu oqaaseqaatitai ilanngunneqarlutik.

Konto 41 meeqqanut inuusuttunullu ikiorsiiniutit

Ulloq unnuarlu angerlarsimaffinnut angajoqqaarsianullu meeqqanik inissiinissamut pisariaqartitsineq annertusiartortoq takuneqarsinnaavoq. Meeqqat pisariaqartitaat atugarisaallu qulakkeerneqarnissaannut kommuni inatsitigut pisussaataaavoq, ikiorneqarnissamillu pisariaqartitsinerup annertusiartorneranut ilaatigut ilaqutariit arlaqartut isumaginninnikkut ajornartorsiuteqartut amerliartornerinik patsiseqarpoq.



Konto 43 siusinaartumik pensionisiallit

Siusinaartumik pensionisiallit Nunatta karsianit 90 procentimik aningaasaliiffigineqartartut 16-inik ikileriarsimapput, ikileriarnarlu procentinngorlugu 16,3 5 procentiulluni, piffissamili 2010-2013-imi Nunatta karsianit 50 procentimik aningaasaliiffigineqartarlutik siusinaartumik pensionisiallit 40-nik amerleriarsimallutik, amerleriarnarlu procentinngorlugu 45,5 procentiulluni.

Siusinaartumik pensionit annertussusaat tullinnguuttutigit takuneqarsinnaavoq

- 1) Siusinaartumik pensionisialimmut kisimiittumut ukiumut 100.000 koruunit,
- 2) Aappariinnut ukiumut 100.000 koruunit, aappaasoq siusinaartumik pensionisialiulluni, aappaalu sutigulluunniit pisortanit pensionisianik pisartagaqanngitsoq,
- 3) Aappariinnut ukiumut 150.000 koruunit, marluullutik siusinaartumik pensionisiaqarsinnaatitaasunut.
- 4) Aappariinnut pensionisiat ataatsimut katinneri ukiumut 152.600 koruunit, aappaasoq siusinaartumik pensioninik pisartagaqartoq, aappaasorlu utoqqalilluni pensioninik pisartagaqartoq.

Ilaqutariinnermut immikkoortortami Utoqqarnut immikkoortortap kontot misissuataareerpai, konto 43-lu atuivallaarfiunissaa naatsorsuutigineqarsinnaasoq paasineqarpoq.

Konto 45 pisortanit ikiorsiissutit

Ukioq manna Sisimiuni suliffissaaleqinerup qaffasinnerata kingunerisaanik, ilaqutariinnut amerlanerusunut pisariaqartitsivissunut ikiorsiissuteqartarneq pingaartumik patsisaalluni sippuilluni atuisoqarpoq.

Tamatuma saniatigut uuliamut ineqarnermullu aningaasartuutit annertuumik qaffariaateqartut takuneqarsinnaavoq.

Konto 47 utoqqarnik isumaginninneq

Konto 4701 – Utoqqalilluni pensionisiat.

Konto 4701103001 – tunngaviusumik aningaasat, 5.076.000 koruuninik sippuiffigineqarnissaa naatsorsuutigineqarpoq, tamatuma saniatigut kaasarfimmiussanut konto 4701103002-mi 230.000 koruuninik sippuisoqarnissaa, kiisalu inuttut tapinut konto 4701103102 579.000 koruuninik sippuisoqarnissaa naatsorsuutigineqarluni.

Takussutissiami tullinnguuttumi utoqqalilluni pensionisiallit 21-nik qaffariaateqarsimasut takuneqarsinnaavoq, piffissamili 2010-2013-imi procentinngorlugit 5,5 procentimik qaffariaateqarsimallutik, piffissamili tassani tunngaviusumik aningaasat qaffanneqarnikuullutik.

Tekst	2010	2011	2012	2013
Antal	378	379	383	399
Takster:				
Enlig	9.992	10.291	10.291	10.817
Par	13.625	14.034	14.034	14.750

Aningaasaqarnermut artukkiinerit inuiaqatigiit agguataarnerisa allaaserisaanerinik pissuteqartoq, tunngavittut aningaasanik inatsisitigut aalajangersagaasumik ataqatigiissitsilluni kisitsit takutitsisuupput, tamatumalu kingunerisaanik utoqqalilluni pensionisianut kontut 5,1 mio. koruuninik ataavartumik aaqqiivigineqartariaqarput. (Kommunip akiliutaa 500.000 koruuniuvoq, tassa tunngaviusumik aningaasat 10 procentia. 90 procentit Namminersorlutik Oqartussaniit utertinneqartarput).



Inuttut tapinut aningaasartuutit ukiuni kingullerni annertungaatsiartumik qaffariaateqarsimapput, tamatumanilu ilagaat annertunerusumik paaqqutarineqarnissamik pisariaqartitsineq, ilaatigut aanaartorneq, ukiorpasuarni imigassamik atornerluisimaneq, puigortunngorneq nappaatillu allat, soorlu sukkortunngorneq annerpaamik patsisaasut. Pensionisiallit arlaqartut Utoqqaat Angerlarsimaffiani inissaqanngitsut imaluunniit najukkaminni attaveqarfeqanngitsut, paaqqutarineqarnissamik annertuumik pisariaqartitsinerat naapertorlugu tapersersortimik ataatsimik imaluunniit marlunnik ikiorserneqartarnerat akulikinnerulersimavoq.

Konto 470910 – Utoqqaat Angerlarsimaffiat

Utoqqaat Angerlarsimaffiani akissarsianut missingersuutit, 2013-imi septembarip 30-ni akissarsianut aningaasartuutit aallaavigineqarnerisigut ukiup naanerani 2,2 mio. koruunit missaanik sippuiffigineqarnissaat naatsorsuutigineqarpoq. Ukiut siuliini akissarsianut aningaasartuutit sanilliukkaanni, 2013-imi akissarsianut aningaasartuutit 2 mio. koruunit missaanik annertunerupput. Tamanna tunngavigalugu sippuineq sooq taamak qaffasitsiginersoq misissorneqassaaq. Sulisut amerlassusiinik misissuinerup takutippaa, 2013-imi apriliip aallaqqaataanit akunnermusialinnik atorfinitsitsisoqarsimasoq, pinartoqartillugu oqilisaasarfittut utaqqiisaasumik pilersinneqartumi sulisussatut atorfinitsinneqarlutik. Atuagaateqarfikumi inissanik marlunnik pilersitsinikkut, pinartoqartillugu oqilisaaffik paaqqutarineqarnissamut pisariaqartitsinerup annertusiartorneranut ikiorsiissutissatut pilersinneqarluni. Utoqqaat Angerlarsimaffiani sulisut suliaasa annertusinerat ilutigalugu, unnukkoortartunik unnuarsiortartunillu aamma atorfinitsitsisoqarluni.

Pinartoqartillugu oqilisaanermi utoqqaat paaqqutarineqarnissaat anguniarlugu, atorfinitsitsinissaq pisariaqarsimavoq, tassa assersuutigalugu angerlarsimaffimmi imaluunniit Peqqinnissaqarfimmi uninngatinneratigut paaqqutarineqarsinnaanngitsunut.

Misissuinerup tamatuma saniatigut takutippaa, Utoqqaat Angerlarsimaffiani matumani qaammammusiallit 32-t atorfeqartinneqartut, ukiunilu siuliinut sanilliullugu amerlanerungaatsiarlutik. Tamatumunnga patsisaavoq, SIK-p Namminersorlutik Oqartussallu ilinniagalinnut ilinniagaqanngitsunullu qaammammusialinnut isumaqatigiissutaat §1 imm. 5 naapertorlugu, sulisut patajaatsut ukiuni marlunni sulereernermi kingorna qaammammusiaqarnissaannik neqeroorfigineqartarnerinik patsiseqarpoq.

Taamatuttaaq qaammammusiallip 2013-imi soraarsinneqartup qaammatini tallimani akissarsiaqartinneqarsimanera, qaammammusiallillu ilaat aamma ilaatigut erninerminut atatillugu allatigullu napparsimanertik patsisigalugu sulinnigiffeqarsimanerat, taamaattumillu piffissani sivisuuni Utoqqaat Angerlarsimaffiat vikarinik atuisariaqarsimanerata patsisaanera ilanngullugu paasissutissiissutigineqassaaq. Tamatuma saniatigut akunnermusialinnut qaammammusialinnullu akissarsiat agguaqatigiissillugit qaammammut 400,00 koruuninik qaffariaateqarnikuupput, tamatumalu kingunerisaanik akissarsianut missingersuutit 400.000 koruunit missaannik sippuilluni atuiffiusimalluni.

Ingerlatsinermut kontonut allanut, errorsisarfik Katak Aps ilanngullugu, 710.000 koruuninik atuiffiusussatut naatsorsuutigineqareersimagaluartunut 2013-imut aningaasaliissutinik immikkoortitsisoqarsimannigilaq. Tassunga tunngatillugu immikkoortortaq immikkut saqqummiissaaq. Siusinnerusukkut errorsisarfirmi sulisunik soraarsitsinikkut sipaaruteqarfiusussanik tamanna iluarsineqartussaagaluarpoq.

Innaallagissamut, imermut kiassarnermullu atuineq ukioq manna annikinnerunissaa naatsorsuutigineqarpoq.

Ingerlatsinermut kontoni allani aningaasaliiffigineqarnissamut pisariaqartitsiviusuni aaqqiissuteqartariaqarpoq.

Namminersorlutik Oqartussanit utertinneqartunut atatillugu, ukioq manna Utoqqaat Angerlarsimaffiani innarluutilimmik najugaqartoqarsimangilaq, taamaattumik ukioq manna isertitaqarfiunani.

Konto 4715 – Isumaginninnikkut iliuitsit.

Siornaak Utoqqaat Angerlarsimaffiata innarluutilinnut bussii aserormatali, Utoqqaat Angerlarsimaffiup ingerlatsinermut/assartuinermt taarsiullugu aningaasaliissuteqartoqanngilaq. Taamaattumik Utoqqarnut immikkoortorta q pensionisialinnut pitsorluttunut tamanut ingerlatsinermut isumaginninnikkut konto atorlugu, namminersortumik innarluutilinnut taxanik attartortariaqartarsimavoq, tamannalu akisuvoq siulianiilli aaqqissuussamit akikinnerulluni. Pensionisialinnik pitsorluttunik ingerlassinermut ukiumut 330.000 koruunit missaaniittut Utoqqarnut immikkoortortamit atorneqartarput, tassa angerlarsimaffimmiit ulluunerani ornittakkamut utimullu ingerlassinermuinnaq.

Pensionisialinnut allat ulluunerani ornittakkamiinneq ajortunut, ataatsimuualaarfissaqarnissaannut allanullu aaqqissuussanut peqataasinnaaqqullugit, katersortarfiup attartorneqartarneranut isumaginninnikkut konto atorneqartarpoq.

Aaqqissuussanut allanut, soorlu juullimut aaqqissuussinermut isumaginninnikkut konto aamma atorneqartarpoq. Ukioq manna konto imaarutereermat juullimut aaqqissuussisoqassanngilaq. Juullimut aaqqissuussamut 50.000 koruunit missaaniittut atorneqartussaagaluarput, tamannali immikkut aningaasaliisoqarpat aatsaat ingerlanneqarsinnaalluni.

Buskortinut konto sippuilluni atuiffiuvoq. Tamatumunnga siusinaartumik aammalu utoqqalinermt pensionisialinnut 2013-imi buskortinik tunniussineq siornatigumiit annertunerunera pingaarnertut patsisaavoq.

Konto 4720 – Kalaallit Nunaanni peqqinnissaqarfimmi uninngasut

Piffissami matumani Peqqinnissaqarfimmi uninngasuutigineqartut sisamaapput, uninngasumut ataatsimut ullormut unnuamullu 4.095,00 koruuninik akeqarluni. 2013-imut 100.000 koruunit immikkoortinneqarput, Peqqinnissaqarfimmulli akiligassat akiligassallu takkukkumaartut tamaasa akilerneqarnissaanut 4 mio. koruunit pisariaqartinneqarlutik. Uninngatinneqartut Peqqinnissaqarfimmit pissutsinik allaanerusunit paaqqtarineqarsinnaanngillat. Tamatuma saniatigut ukiumi siuliini akilerneqanngitsunik akiligassaqarpoq, taakkulu aningaasaliiffigineqarnikuunngimmata akilerneqarnikuunatik. Akiligassat taakku 1 mio. koruunit missaanik naleqarput.

Piffissami matumani pisariaqartitsilluinnartut utaqqisuniittut 13-14-iupput, Peqqinnissaqarfimmi uninngasut sisamat ilanngullugit, kiisalu Utoqqaat Angerlarsimaffiani oqilisaavimmiittut marluk ilanngullugit. (Oqilisaavimmiittup aappaa Utoqqaat Angerlarsimaffianut maannakkut nuuinneqarpoq).

Utoqqaat Angerlarsimaffiani maannakkut siunissamilu inissat atorfissaqartinneqartut takussutissiami tullinnguuttumi takuneqarsinnaapput, tamatumalu konto 4720-mi atuinermt patsisaallutik.



Amerlassutsit	Suussusaat
32	Utoqqaat Angerlarsimaffiani inissat amerlassusiligaaneri
2	Utoqqaat Angerlarsimaffiani pinartoqartillugu oqilisaasumik inissat
4	Sisimiuni Peqqinnissaqarfimmi uninngasut
9	Utoqqaat Angerlarsimaffianut inissinneqarnissamut utaqqisut
47	Inissat

Utoqqaat 65-ileereersimasut 2013-imi Utoqqaat Angerlarsimaffiani inissinneqarnissamik pisariaqartitsisut 47/410-upput, procentinngorlugu 11,5 procentiullutik. Inuiaqatigiinni utoqqaat inissinneqarnissaminnik pisariaqartitsisut ukiuni 25-ni tullinnguuttuni taamaaginnarnissaa naatsorsuutigineqartariaqarpoq, taamaattumik inissinneqarnissamut pisariaqartitsisut tullinnguuttutigit ineriartornissaa naatsorsuutigineqassaaq

Ukiut/ukioq	2013	2020	2024
65-ileereersut	410	503	580
Inissamik pisariaqartitsisut	47	58	67
Annertusaanissamut isariaqartitsineq	17	26	35

Konto 48 innarluutillit

Innarluutilinnut immikkoortortami atuinikinnerunissaq naatsorsuutigineqarpoq. Imaanngilaq innarluutilinnut kiffartuussineq annikinnerulersoq, 2013-illi ingerlanerani innarluutillit toqukkut qimaguttoqarnerisigut, kiisalu akiliisussaataaneq kommuninut allanut tunniunneqarnerisigut amerlassusaannut annikillineq patsisaavoq.

Kontonr.	Kontop taaguutaa	Aningaas. (1.000kr.)	Tapi. (1.000kr.)	Nutaamik aningaas. (1.000kr.)
40-01-10	Akeqanngitsumik paaqqinnittarfinniinneq	160	-19	141
41-01-10	Tapersersortinut akissarsiat/Sisimiut	597	-22	575
41-02-10	Nalinng. Ilaqutariinni meerarsiaqartitsineq /Sisimiut	2.608	398	3006
41-03-10	Angajoqqaarsianut inissiigasuartitsineq /Sisimiut	120	-10	110
41-05-10	Naalakk. Oqartuss. ulloq unnuarlu najugaqarfii Sisimiut	2.634	-450	2184
41-07-10	Ulloq unnuarlu paaqqinnittarfiit namminersortut Sisimiut	2.806	1.400	4206
41-08-15	Nanu meerartai	0	86	86
41-09-10	Ilaqutariinnik kiffartuussivik Sisimiut	3.087	-347	2740
43-01-10	Siusinaarluni pensionit 1/1-02 sioqqullugu Sisimiut	1.454	366	1820
43-02-10	Siusinaarluni pensionit 1/1-02 kingorna Sisimiut	4.053	2.938	6991
45-01-10	Pisortatigut ikiorsiissutit	6.040	5.516	11556
46-01-10	Erninermi ullormusiat il.il. Sisimiut	412	257	669
47-01-10	Utoqqalilluni pensionit Sisimiut	4.742	1.750	6492
47-02-10	Angerlarsimaffimmi ikiorti	3.381	105	3486
47-09-10	Utoqqaat Angerlarsimaffiat Sisimiut	16.495	3.169	19664
47-15-10	Utoqqarnik isumaginninnikkut iliuitsit Sisimiut	1.266	157	1423
47-20-10	Peqqissaavimmi paaqqutarisarialinni uninnganeq Sisimiut	100	21	121
48-00-10	Tapersersuisunik ataqatigiissaarisoq Sisimiut	0	-1.648	-1648
48-01-10	Meeqqat innarluutillit angerlarsimasut Sisimiut	2.135	415	2550
48-02-10	Inersimasut innarluutillit angerlarsimasut Sisimiut	3.391	-881	2510
48-03-12	Ataatsimoorluni najugaqarfik Pisoq Sisimiut	11.801	1.022	12823
48-04-11	Innarluutillit ornittagaat Ivik Sisimiut	359	-213	146
48-05-10	Sannavik illersugaq Sisimiut	2.940	109	3049
48-14-10	Terapeuter Sisimiut	0	391	391
48-15-10	Ikiuinermt atortut -angerlarsimasut Sisimiut	504	592	1096
48-16-10	Meeqqat innarluutillit najugaat Sisimiut	1.671	-1410	261
48-17-10	Inersimasut innarluutillit najugaat Sisimiut	2.314	-2066	248
48-20-10	Meeqqat innarluutillit najugaat/Danmarkimi Sisimiut	0	5	5



Aningaasaqarnikkut allaffissornikkullu kingunerisinnaasai

Ilaqutariinnermut immikkoortortap iluani immikkoortortat suliffeqarfiillu tamarmik 2013-imut missingersuutaannik misissuinermi, immikkoortuni aningaasaliiffigineqarnissamik pisariaqartitsisuni missingersuutitigut aaqqiivigineqarnissaat pisariaqartinneqartoq paasineqarpoq.

Qullersaqarfiup oqaaseqaatai

Allaffeqarfiup naliliinera

Immikkut aningaasaliiffigineqarnissanut allaffeqarfiup siunnersuutai, suliffeqarfiit immikkoortortallu suleqatigiillutik atuinermik misissuinerminni naatsorsuutit inerneraat.

Allaffeqarfiup innersuussutaa

Ilaqutariinnermut immikkoortortap Ilaqutariinnermut ataatsimiititaliamut innersuussutigaa, immikkut aningaasaliiffigineqarnissamut katillugit 11.631.000,00 koruunit qinnuteqaatigineqartut akuersissutigineqassat

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap decembarip 3-ani 2013-imi immikkut ittumik ataatsimiinnermini innersuussut akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 3-ani 2013-imi immikkut ittumik ataatsimiinnermini innersuussut akuersissutigivaa.

Innersuussut

Kommunalbestyrelsimut akuereqqullugu innersuussutigineqarpoq

siuliani aningaasaliissuteqartoqarnissaanik takussutissiaq naapertorlugu, 11.631.000,00 koruuninik immikkut aningaasaliissuteqartoqassasoq.

Aalajangiineq

Ilanngussaq

Ilanngussaqanngilaq

Imm. 05 Immikkut aningaasaliisoqarnissaanik qinnuteqaat, konto 45 pisortarnit ikiorsiissutit, Maniitsoq

Journalnr. 06.02.01

Tunuliaqutaq

Aggustip 31-ani qaammammut nalunaarusiami naliliinerit aallaavigalugit, konto 45-mut 0,85 mio. koruuninik immikkut aningaasaliisoqarnissaa qinnutigineqarpoq.

Maniitsumi konto 4-mut 2011-mi 2012-imilu immikkut aningaasaliissuteqartoqarpoq, taamaakkalu- artorli ukiup naanerani paasinarsivoq, ataatsimoortumik killiliussatigut taakku pisariaqartinneqan- ngitsut. Maanna 2013-imi nalilerneqarpoq, ataatsimoortumik killiliussaq sipporneqarsinnaasoq, taamaattumillu pisariaqartitanut immikkut aningaasaliissutissanik qinnuteqartoqaruni ajunnginne- russasoq nalilerneqarluni.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat. Ilaqutariinnermut ataatsimiititaliap akisussaaffiitut tunngatillugu peqqussutit.

Pissutsit atuuttut

2011-mi 2012-imilu missingersuutit sipporneqaratik naatsorsuutit naammassineqarput. 2013-imi sippuilluni atuisoqassamaarpoq. Qanoq annertutigisumik sippuilluni atuisoqassanersoq eqqoqqissaartumik naatsorsorneqarsinnaangilaq, misilittakkalli aallaavigalugit aasaaneranut sanil- liullugu ukiaanerani ukiuuneranilu ikiorserneqarnissaminnik pisariaqartitsisut annerusarmata, ukiup sinnerani atuinissaq ersarissumik paasinarsiumaarpoq.

Suliffissaaleqisut amerlanerisa, suliffeqarfinnillu nutaanik amigaateqarnerup kingunerisaanik ani- ngaasartuutit taama qaffakkiartuinartigipput. Suliffissaaleqisut amerlassusaat, pisortanillu ikiorsiis- sutinut aningaasartuuteqarnissamik pisariaqartitsineq ataqatigiissorineqanngillat. Taamaakkalu- artorli soorunalimi arlaatigut ataqatigiipput. Suliffissaaleqisunut takussutissiaq tullinnguuttumi takuuk.

2011

Maniitsoq	174	135	128	113	81	74	81	79	174	199	204	233
Kangaamiut	23	14	14	8	11	9	9	10	19	22	17	21
Napasog	6	2	0	0	1	3	1	3	2	0	0	0
Atammik	25	22	22	11	4	10	15	17	31	24	18	24

2012

Maniitsoq	187	215	224	213	164	152	154	170	167	179	203	217
Kangaamiut	14	16	20	22	19	18	15	18	20	23	18	13
Napasog	0	1	2	2	0	1	0	0	0	0	0	0
Atammik	29	31	35	33	10	12	13	17	19	22	26	24

2013

Maniitsoq	230	235	253	241	221	140	127	122	94	121	0	0
Kangaamiut	24	20	18	19	23	13	14	13	12	16	0	0
Napasog	4	1	0	0	0	0	0	0	0	0	0	0
Atammik	26	21	22	12	7	6	21	11	13	7	0	0

Maannakkut 850 tusindit missaannik immikkut aningaasaliissuteqartoqassasoq missingersorneqar- poq.



Aningaasaqarnikkut allaffissornikkullu kingunerisinnaasai

Tullinnguuttut agguataarneqartussanik katillugit 0,85 mio. koruuninik immikkut aningaasaliis-suteqartoqarnissaa qinnutigineqarpoq:

Konto	Kontop taaguutaa	Aningaasa-liissutit	Naatsorsuutigi samik atugassat	Aningaasaliiss utissatut pisariaqartitat
4501203036	Pisariaqavissumik ikiorsiis-sutit, ineqarneq	1.854	2.054	200
4501203037	Pisariaqavissumik ikiorsiissutit	2.752	3.402	650
	Aningaasaliissutissatut pisariaqartitat katillugit	4.606	5.456	850

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Annerusumik oqaaseqaatissaqanngilaq. Sooq immikkut aningaasaliissuteqartoqartariaqarner-soq allaffeqarfik tunngavilersuisariaqarpoq.

Allaffeqarfiup innersuussutaa

Innersuussutigineqarpoq, konto 45-mut katillugit 0,85 mio. koruuninik immikkut aningaasaliis-suteqartoqassasoq.

Ilaqtariinnermut ataatsimiititaliami suliap suliarinera

Ilaqtariinnermut ataatsimiititaliap decembarip 3-ani 2013-imi immikkut ittumik ataatsimiinnermini innersuussut akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 3-ani 2013-imi immikkut ittumik ataatsimiinnermini innersuussut akuersissutigivaa.

Innersuussut

Kommunalbestyrelsimut akuereqqullugu innersuussutigineqarpoq

siuliani aningaasaliissuteqartoqarnissaanik takussutissiaq naapertorlugu, konto 45-mut katillugit 0,85 mio. koruuninik immikkut aningaasaliissuteqartoqassasoq.

Aalajangiineq

Ilanngussaq

Ilanngussaqaanngilaq

Imm. 05a Immikkut aningaasaliisoqarnissaanik qinnuteqaat, konto 47 utoqqarnik isumaginninneq, Maniitsoq

Journalnr. 06.02.01

Tunuliaqutaq

Aggustip 31-ani qaammammut nalunaarusiami naliliinerit aallaavigalugit, konto 47-mut 0,950 mio. koruuninik immikkut aningaasaliisoqarnissaa qinnutigineqarpoq.

2011-mi 2012-imilu immikkut aningaasaliissuteqartoqarpoq, taamaakkaluarterli ukiup naanerani paasinarsivoq, Maniitsumi Ilaqutariinnermut Immikkoortortami ataatsimoortumik killiliussatigut taakku pisariaqartinneqanngitsut. Maanna 2013-imi nalilerneqarpoq, ataatsimoortumik killiliussaq sipporneqarsinnaasoq, taamaattumillu pisariaqartitanut immikkut aningaasaliissutissanik qinnuteqartoqaruni ajunnginnerussasoq nalilerneqarluni.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat. Ilaqutariinnermut ataatsimiititaliap akisussaaffiitut tunngatillugu peqqussutit.

Pissutsit atuuttut

Konto 47-p iluani immikkut aningaasaliissuteqarnissamik pisariaqartitsineq, Maniitsumi Utoqqaat Illuanut tunngassuteqarneruvoq.

2008-mi Ikaarsaariarnermi ataatsimiititaliamit aalajangerneqarpoq, 2010-mut missingersuusiornisamat atatillugu atugassamik Utoqqaat Angerlarsimaffiitut utoqqarnillu isumaginniffiusuni nukis-saqassutsimut tunngatillugu takussutissamik suliaqartoqassasoq. Nukissanik assigiinnerusumik agguaassinissaq takussutissap qulakkeertussaavaa, taamaalillunilu kifartuussinissami kommunalbestyrelsip aalajangigaa naapertorlugu tamat assigiimmik periarfissaqalissallutik. Tamassumunngali tunngatillugu siunnersuusiortoqanngilaq.

Ukiuni kingullerni innarluutilittut nalunaarsoqqasut amerlanerusut nuunnikuuvoq, tamatumunngalu tunngatillugu pisuni tamani Utoqqaat Illuata neqeroorut ajunnginnerpaatut nalilerneqartarluni. Tamanna aamma Utoqqaat Illuanik ingerlatsinermut aningaasaqarnikkut iluaqutitaqarsimalluni.

Ulloq manna tikillugu peqqinnissaqarfimmiisitsinermut aningaasartuuteqartoqanngilaq.

Innaallagialaq, imeq, kiassarnerlu:

2012-imi innaallagissap akia qaffammat, innaallagissamat aningaasartuutitut immikkut aningaasaliissuteqartoqarpoq. Innaallagissamat, imermut kiassarnermullu ataatsimoortumik missingersuutit iluarsisat 1,154 mio. koruuniupput. Ataatsimoortumik naatsorsuutit 1,383 mio. koruuniupput. 2013-imi ataatsimoortumik missingersuutit 1,078 mio. koruuniupput, atuinermili akigititat sulii qaf-fasingaatsiarmata, naatsorsuutit 2013-imi taamatulli inerneqarnissaat naatsorsuutigineqarpoq. imaappoq, 0,3 mio. koruunit missaannik sippuilluni atuisoqassasoq. Assersuutigalugu innaallagissamat kwh-mut 3,24 koruuneqarpoq, tamannalu Sisimiunut sanilliullugu marloriaatipajaanik akisunerulluni.

Nerisaqartitsineq:

2011/2012-imi Utoqqaat Angerlarsimaffii, aamma kommunini allani Utoqqaat Angerlarsimaffii nerisaqartitsinermut aningaasartuutit pillugit paasiniaavigineqarput. Misissuinermi paasinarsivoq, 2011-mi aningaasartuutit nikingavallaaratik najugaqartumut ataatsimut ukiumut 31.000 – 32.000 koruuniusut. 2012-imi Sisimiuni Maniitsumilu naatsorsuutit nikingaanngillat.

Nerisaqartitsinermut tunngatillugu 2012-imi immikkut aningaasaliissutaasoq ukiunut arlalinnut atuuttussanngortinneqanngimmat, pisariaqartitsivinnermullu sanilliullugu 10.000 koruuninik ikinne-rusunik 2013-imi missingersuutitigut najugaqartumut ataatsimut 22.000 koruunit missaat missi-ngersuutigineqarlutik. Tamanna tunuliaqutaralugu 450.000 koruunit immikkut aningaasaliissutis-satut qinnutigineqarput.

Oqaatigineqassaaq, siunissami akulikinnerusumik kalaaliminitortitsisoqartarnissaannik kissaate-qartoqassappat, aningaasartuutit qaffassappat.

Illuutunik aserfallatsaaliineq:

Sanaartukkatigut teknikkimut tunngasunik suli ajornartorsiuteqarpoq, soorluttaaq sanaartugaq suli naammassineqarsimanngitsoq. Illuutunik aserfallatsaaliinissamut il.il. 209 tusind koruunit missi-ngersuusiarineqarsimapput. Kommunip illuutaanik nalinginnaasumik aserfallatsaaliinissami missi-ngersuutitigut pisariaqartitsineq missingersuutinut nallersuullugu, Teknikkimut Avatangiisinullu Immikkoortortap ungasinngitsumi nalilersuinikuvoq. Matumani m2-imut 200 koruunit nalingin-naasumik agguaassisarneq naapertoraanni, Nerijsaaq-mut nalinganut aserfallatsaaliineqartarnissaa-nut ukiumut 600 tusind koruunit missaannik missingersuusiarineqartartussaagaluartoq nalilerneqar-poq.

Piffissap ingerlanerani ataasiakkaatigut naammassinnittoqarpoq, ilaatigut aneerasaartarfinni assi-aqutit il.il. naammassineqarsimallutik. Isumannaallisaaneq patsisaalluni taakku naammassineqar-tussaapput. Tamatuma saniatigut illu sinerlugu kuuffiit ristilersorneqarneri naammassineqartussaap-put, soorluttaaq tamanna isumannaallisaanermut tunngaveqartoq.

Puigortunngortunut inissat amerlineqarnerisigut kiisalu innarluutilinnut immikkoortortaarnikkut sanaartornermut aningaasartuutit politikkikkut suliap saqqummiunneqarnerani 100 tusindiunera-gaapput. Maniitsumi Ilaqutariinnermut Immikkoortortap ataatsimoortumik missingersuutitigut killi-usaataanni aningaasartuutissamineq taanna aningaasartuutigineqarsinnaassasoq nalilerneqarpoq. Taamaakkaluartoq allaatigineqartutut, 2013-imi ataatsimoortumik killiliussaq sippussangatinneqar-poq. Taamaattumik ataatsimoortumik 0,25 mio. koruuninik immikkut aningaasaliisoqarnissaa qin-nutigineqarpoq.

Kangaamiuni Utoqqaat Illuat

Teknikkimut Avatangiisinullu Immikkoortortaq suleqatigalugu aasaq Utoqqaat Illuat alakkarter-neqarpoq. Alakkarterinermi nalilerneqarpoq, illup silataata silamut illersuutaata qalipanneqarni-kuulluni qisuusup nungutinneqannginnissaa pillugu qalipanneqartariaqartoq. Neqerooruteqartitsiso-qarpoq, tamannlu Teknikkimut Avatangiisinullu Immikkoortortamit naammaginartutut nalilerne-qarluni. 260 tusind koruunit missaat neqeroorutigineqarput.

Politikerinut immikkut aningaasaliissuteqarnissamik qinnuteqarsinnaaneq sioqqullugu, silamik peqquteqartumik suliassaq naammassineqartariaqarsimavoq, soorluttaaq suliassap aallartinneqarnis-saa pillugu siumoortumik neriorsuuteqartitsinissaq pisinnaasimanngitsoq.

Tamanna tunuliaqutaralugu 2014-imi pisariaqartumik qalipagassat qalipanneqarnissaat pisariaqar-luinnarpoq.

Sulisut namminneerlutik illup iluani qalipaanikuupput.

Aningaasaqarnikkut allaffissornikkullu kingunerisinnaasai

Tullinnguuttutut agguataarneqartussanik katillugit 0,95 mio. koruuninik immikkut aningaasaliis-suteqartoqarnissaa qinnutigineqarpoq:

Konto	Kontop taaguutaa	Aningaasaliis sutilit	Naatsorsuutigi samik atugassat	Aningaasaliis utissatut pisariaqartitat
4709202110	Imeq	75	125	50
4709202120	Innaallagiaq	441	516	75
4709202130	Kiassarneq	562	737	175
4709201600	Nerisaqartitsineq	925	1.375	450
4709202200	Illuutinik aserfallatsaaliineq	209	409	200
	Aningaasaliisutissatut pisariaqartitat katillugit	2.212	3.162	950

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Annerusumik oqaaseqaatissaqanngilaq.

Allaffeqarfiup innersuussutaa

Innersuussutigineqarpoq, siuliani aningaasaliisuteqartoqarnissaanik takussutissiaq naapertorlugu konto 47-mut katillugit 0,95 mio. koruuninik immikkut aningaasaliisuteqartoqassasoq.

Ilaqtariinnermut ataatsimiititaliami suliap suliarinera

Ilaqtariinnermut ataatsimiititaliap decembarip 3-ani 2013-imi immikkut ittumik ataatsimiinnermini innersuussut akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 3-ani 2013-imi immikkut ittumik ataatsimiinnermini innersuussut akuersissutigivaa.

Innersuussut

Kommunalbestyrelsimut akuereqqullugu innersuussutigineqarpoq

siuliani aningaasaliisuteqartoqarnissaanik takussutissiaq naapertorlugu, konto 47-mut katillugit 0,95 mio. koruuninik immikkut aningaasaliisuteqartoqassasoq.

Aalajangiineq

Ilanngussaq

Ilanngussaqanngilaq



Imm. 06 Illoqarfinni sunngiffimmi immikkoortunik naleqqussaaneq, Maniitsoq eqqarsaatiginerullugu

Journalnr. 44.07- 17.05/fritidsklub

Tunuliaqutaq

2013-imut missingersuummut fritidshjemmit/inuusuttut klubbiannut 75-01-20 8,0 mio. Koruuninik sanaartornermik aningaasaliisoqarpoq – 2013-imut 1,0 mio. koruuninik 2014-imumu 7,0 mio. koruuninik agguataarneqartunik..

Tamatuma saniatigut innarluutillit ornittagaanut 74-55-20 2013-imut missingersuutinut 3,0 mio. koruuninik aningaasaliisoqarluni – 2013-imut 1,0 mio. koruuninik 2014-imumu 2,0 mio. koruuninik agguataarneqarlutik.

Aningaasaliissut kingullertut taaneqartoq, 2013-imut missingersuutinik ukiunullu missiliuteqarfiusunut aappasaaneerinermi meeqqerivikup Ajap inissiatut allannortiterneqarnissaanit nuutinneqarput. Meeqqerivikoq Aja kommunimit tuniniarneqarnissaa aalajangiutiinneqarpoq, tamannali ajornakusoorsimavoq.

Kommunalbestyrelsi 2013-imi aggustip 29-ni 05/2013-imi ataatsimiinnermini meeqqerivikoq Ajami Meeqqat Illuanik pilersitsinissamut siunnersuut suliaraa aalajangiisoqarlunilu, ”Ajap inissisimaffia atorneqassanngitsaq, inissisimaffissarli alla atorneqassasaq, illuatungeriit innuttaasullu tusarniaaffigineqassapput”.

Tamatuma kinguneranik inuusuttut illuannik, inuusuttunut 14-iniik 21-t tikillugit ukiulinnut neqeroruteqarsinnaasumik nutaamik pilersitsinissamut siunnersuut saqqummiunneqarpoq.

Tamatuma saniatigut Ilaqutariinnermut ataatsimiititaliap sanaartornermut 74-55-20 2013-imut 1,0 mio. koruunit aammalu 2014-imut 2,0 mio. koruunit ”innarluutilinnut pissutsit pitsanngorsarneqarnissaat” aningaasaliissutai, meeqqanut inuusuttunullu paaqqinninnermut sunngiffimmilu neqeroruteqarnermut ataatsimut pilersaarutinut qanoq atorneqarnissaat aalajangiiffigineqassaaq.

Maleruagassatigut tunngavissat

Landstingsforordning nr. 7 af 3. november 1994 om hjælp til personer med vidtgående handicap.

Qeqqata Kommunias handicappolitik.

Budget 2013 for Qeqqata Kommunia.

Landstingsforordning nr. 10 af 21. maj 2002 § 1, stk. 2 om fritidsklubber

Hjemmestyrets bekendtgørelse nr. 5 af 16. april 2007 § 1, stk. 5 om fritidshjem.

Pissutsit atuuttut

Meeqqanut inuusuttunullu atortorissaarutit pitsaasuunissaat kommunalbestyrelsip pingaartitaraa. Qeqqata Kommuninngorneraniit ukioq siulleq illoqarfinni marlunni meeqqeriviliortitsisoqarpoq. Taamaalillutik meeqqeriviit minnerusut, nutaannginnerusut, naleqqutinngitsut ingerlatsinikkullu akisuallaartut meeqqerivinnik anginerusunik nutaanillu taarserneqarlutik. Taamaalillunilu inissaqartitsinissamut qulakkeernissaq qulakkeerneqarsinnaalluni.

Sunngiffeqarnermut immikkoortumili kommunip illoqarfiini marluusuni pissutsit suli assigiinngisitaarput, soorlu aamma siunertamat init ilaat ullutsinnut naleqquttuunatik.

Sisimiuni **ulluunerani paaqqinnittarfiit** aallaavittut atuarfinni nukarlernut akullernullu inissisi-mapput, tassa 1 klassimiit 7 klassi tikillugu. Ima paasillugu ullup ingerlanerani atuartitsisoqanngin-nerani atuartut atuarfimmi sumiiffissaqartinneqarlutik.

Maniitsumi ulluunerani paaqqinnittarfik atuartunut minnernut 1 klassimiit 3 klassimut paaqqinnit-tarfiuvoq, akullernullu 4 klassimiit 7 klassimut atuartitsisoqannginnerani klubbimiinnaasarlutik. Neqeroorutit aallartinneqartarneri unitsinneqartarnerilu assigiinngilaarput. Minngortuunnguup Atuarfiani nal. 8-16, Nalunnguarfiup Atuarfiani nal. 10-16.45 Kilaaseqqamilu nal. 8-16

Maniitsumi **sunngiffimmi klubbi** Inuussuit atuarfiup eqqaani inissisimasooq meeqqanut 3 klassimiit 7 klassi tikillugu nal. 8-16 akornanni ornigarneqarsinnaavoq, aalajangersimasumik akiliuteqartitsi-soqanngilaq.

Sisimiuni **fritidshjemmit** marluupput – Naasooq aamma Sikkersok – atuartunit 1 klassimiit 4 klassi tikillugu nal. 7-17 akornanni ornigarneqarsinnaasut. Tassani fritidshjemmiittalernissamik nalu-naartoqartarpoq neqeroorummullu aalajangersimasumik akiliuteqartoqartarluni.

Illoqarfinni marluusuni aamma ualikkut/unnukut neqeroorutit assigiinngillat.

Sisimiuni Nalunnguarfiup Atuarfiani ulluunerani paaqqinnittarfik piffissami nal. 18.00-imiit 22.45-p tungaanut 13-imiit 16-it tikillugit ukiulinnut **sunngiffimmi klubbisarpooq** Sukorsit. Sisimiuni fritidsklubbi aappaa Nutaraq 16-imiit 21-t tikillugit ukiulinnut piffissami nal. 15-23 ornigarneqarsin-naavoq. Sisimiuni **fritidshjemmit** marluusut ukiuunerani unnukut nal. 18-21 5.-6 klassinut aammalu 7.-8 klassinut atorineqarnissaannut neqeroorutigineqartarpoq.

Maniitsumi **sunngiffimmi klubbi** nal. 19-22.45 inuusuttunut 14-imiit 21-t tikillugit ukiulinnut ammasarpoq.

Ammasarfinnut siuliani pineqartunut weekendimi ammasarfiit allaanerupput.

Piffissami matumani illoqarfinni marluusuni ulluunerani paaqqinnittarfeqarput, Sisimiunili kisimi fritidshjemmeqarpoq. Sisimiunilu unnukut meeqqanut inuusuttunullu sisamanik neqerooruteqar-poq, Maniitsumili ataasiinnaalluni.

Meeqqanut inuusuttunullu sunngiffeqarnermut sammisaqartitsisarnermut naleqqussaaneq imaappooq, Maniitsumi ulluunerani **fritidshjemmimik** neqerooruteqartariaqartoq, taamatullu ualik-kut/unnukut Maniitsumi meeqqanut inuusuttunullu **sunngiffimmi neqerooruteqartariaqartoq**. Maniitsumi **Fritidshjem/-klubbimik ataatsimoortitsilluni** pilersitsinikkut tamanna anguneqarsin-naavoq, imaluunniit inuusuttunut 'angajullernut' fritidsklubbimik pilersitsinikkut, maannakkullu fritidsklubbi fritidshjemminngorlugu pequsersorneqarneratigut.

Sunngiffimmut immikkoortumi aamma piffissami matumani Sisimiuni **Nipilersornermik ilinniar-feqarpoq**, Maniitsumilu nipilersornermik ilinniarfeqarani. Piffissami matumani missingersuutitut ukiunilu missiluteqarfiusunut siunnersuutip aappassaaneerneqarnissaanut Maniitsumi Nipilersor-nermik ilinniarfeqalernissamat ingerlatsinermit aningaasartuutissat ilanngunneqarlutik.

Sunngiffimmi immikkoortumi illoqarfinni marluusuni namminersortunik/immikkoortumi nammi-neq pigisamik **katersortarfeqarput**, Sisimiuni kulturikkut illorsuaqarpoq Maniitsumilu oqaluffi-toqaq peqatigiiffinni ataatsimiinnerni atorineqartarluni.

Peqatigiiffeqarnermut atatillugu **peqatigiiffiit namminerisamik ininik pisariaqartitsisut** pillugit aamma illoqarfinni marluusuni assigiinngitsoqarpoq.

Sisimiuni meeqqerivikoq Nuka illoqarfiup qeqqaniittoq peqatigiiffinnut, soorlu Sanningasoq aappaluttumut, illerfissarsiuutileqatigiiffimmumut, Sisimiut TV-mut atorneqarpoq. Tassani inimik attartornermut akiliisoqartarpoq, tapiiffigineqarnissamik periarfissaqartumik. Sisimiuni meeqqerivikoq Ajo utoqqaat peqatigiiffianut tunniunneqarnissaa/tunineqarnissaa pilersaarusiorneqarpoq. Maniitsumi peqatigiiffinnut taamak ittumik illoqanngilaq, utoqqaalli peqatigiiffiata illumik attartornera kommunimit akilerneqartarpoq.

Sunngiffimmi peqatigiiffeqarnerullu naleqqussaaneq imaappoq, Maniitsumi nipilersornermik ilinniarfimmik pilersitsisoqassasoq, taamatullu peqatigiiffinnullu namminerisamik ininik pisariaqartitsisunut neqerooruteqartoqassasoq. Meeqqerivikup Ajami ataatsimoortinneqarnerisigut tamanna pilersinneqarsinnaavoq.

Meeqqanut innarluutilinnut pissutsit pitsanngorsarneqarnissaat eqqarsaatigalugu suliame ingerlanneqartumi Ilaqutariinnermut ataatsimiititaliamit allaffeqarfimmiillu kommunini tamani meeqqanut inuusuttunullu neqeroorutini meeqqat inuusuttullu innarluutillit ilaatinneqarnissaat pingaartinneqarpoq, taamatullu aamma immukku eqqarsaatigineqarnissaat.

Paaqqinnittarneq maannakkut ingerlanneqartoq, tassa innarluutillit meeqqanut inuusuttunullu innarluuteqanngitsunit avissaaqqatinneqartarnerat ullutsinnut naleqqutinngilaq. Kalaallit Nunaanni aamma isumaginninnermut atatillugu immikkoortuni tamani politikkikkut suliaqarnermi ”ilaatinneqarneq” sapinngisamik siuarsarneqarpoq, tassa atuarfinni, sunngiffimmi neqeroorutini, ilinniartitaanermi suliffeqarfinnilu. Innarluutilinnullu ima isumaqarpoq, tapersorsorneqarnikkut sapinngisamik ilaatinneqarnissamik periarfissinneqassasut.

Ilaatinneqarnermik/peqataatinneqarnermik tapersorsorneqarnerlu pingaartitat, FN-ip innarluutilinnut isumaqatigiissutaani pingaartitat ilagaat.

Meeqqat inuusuttullu ukioqanngitsuniit 18-it tikillugit ukiullit innarluutilittut nalunaarsoqqasut quliupput, qulingiluallu atuartuullutik. 2013-imi upernaakkut atuarfimmi paaqqinnittarfimmik neqeroorummik arfinillit arfineq-marluk atuisuupput. 2013-imilu ukiakkut sisamat neqeroorummik atuisuullutik.

Inuusuttut illuat naammassineqariarpat, taava Ilinniartitaanermut immikkoortortami paaqqinninnermut sunngiffimmilu neqeroorutit sanaartornikkut sinaakkutaasut pitsaanerulissapput. Tassa imaappoq atuarfimmi paaqqinnittarfimmi, sunngiffimmi klubbimi klubbiaqqamilu.

Tamatuma saniatigut Ilinniartitaanermut immikkoortortap/atuarfiup ataatsimoortumik atuarfiup illuanik atuineq allanngortiteriffiginissaa eqqarsaatersuutigineqarluni, taamaalluni siunissami qaninnerusumi neqeroorutit ilaannut sanaartornikkut sinaakkutaasut pitsaanerulissapput pilersinneqarsinnaassallutik. Ima aamma isumaqarpoq, sunissami qaninnerusumi pitsanngorsaaqarnerani innarluutillit ilaatinneqarnissaat periarfissaalerluni, taamaaliornikkullu immikkut paaqqinnissinnaaneq ingerlanneqarsinnaalissalluni.

Ilaqutariinnermut ataatsimiititaliap sanaartornissamut aningaasaliissutai pitsaanerpaamik atorneqasappata, taava atuarfeqarnermi sanaartukkatigut pitsanngorsaanermut ilaatinneqartariaqarput, nalinginnaasumik paaqqinninnermut sunngiffimmullu neqeroorutinut kiisalu meeqqanut innarluutilinnut ilaatitsinissamut periarfissanut iluaqutaasumik.



Atuilluartsuunissakkut kingunerisinnaasai

Maniitsumi meeqqanut inuusuttunullu pissutsit pitsanngorsaaneq atuilluarnersaaq. Taamatuttaaq peqatigiiffiit ineriartornissaanik periarfissinneqarnerat, kommunimit/pisortanit aaqqiissutinik piareersimasunik tuniorarneqaratik, namminneq piumasatik malillugit aaqqiissuteqartinneqarunik atuilluarnersaaq. Illuutit pioreersut nutaallu tamakkiisumik atorneqarunik aamma atuilluartsuunersaaq.

Atuarfinni neqeroorutinut, kiisalu paaqqinnittarfinnut sunngiffimmilu neqeroorutinut meeqqat innarluutillit ilaatinneqarnissaat qulakkeerneqarpat, tamanna perorsaanikkut atuilluartsuunersaaq.

Aningaasaqarnikkut allaffissornikkullu kingunerisinnaasai

Fritidshjemmimut/inuusuttut klubbianut sanaartornissamut aningaasaliissutigineqareersut saniatigut siunertamut ingerlatsinermut aningaasaliissutinik pisariaqartitsisoqarpoq. Taamatullu aamma peqatigiiffinnut illumut nipilersornermullu ilinniartimmut ataatsimoorussamut pisariaqartitsisoqassalluni. Illuatungaartigut utoqqaat peqatigiiffianut illumik attartornermut sipaaruteqarfiussalluni.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfimmit nalilerneqarpoq, tullinnguuttutigut pingaartitat tunuliaqutigalugit

- Sisimiut Maniitsullu akornanni naleqqussaanissat assigiissaarinerlu
- Pisortat illuutaanik tamakkiisumik akisuallaamillu nutarterinerit ingalassimanissaat

Maniitsumi inuusuttunut 'utoqqaanerusunut' sunngiffimmi klubbimik nutaamik pilersitsisoqartariaqarpoq, Ajalu nipilersornermut ilinniartittut peqatigiiffinnullu ataatsimoorussamik atorneqartariaqartoq. Fritidsklubbini marluusuni arlaanni fritidshjemmitut aaqqiissuussisoqarnissaq eqqarsaatigineqartariaqarpoq.

Allaffeqarfimmit nalilerneqarpoq, fritidsklubbi nutaaq efterskolip atuartullu angerlarsimaffiata eqqaani inissinneqaruni pitsaanerussasoq, taamaalillutik efterskole atuartullu angerlarsimaffiat sumiiffimmi inuiaqatigiinnut peqataatinneqarnerulissallutik.

Allaffeqarfiup innersuussutaa

Ilinniartitaanermut Kulturikkut Sunngiffimmullu ataatsimiititaliamut innersuussutigineqarpoq,

Maniitsumi efterskolip atuartut angerlarsimaffiatalu eqqaani inuusuttunut utoqqaanerusunut fritidsklubbimik pilersitsisoqassasoq

Maniitsumi meeqqerivikoq Aja peqatigiiffiit illuatut kiisalu nipilersornermi ilinniartittut ataatsimoorussatut atorneqassasoq

Tamatuma saniatigut Ilaqutariinnermut ataatsimiititaliamut innersuussutigineqarpoq,

Aningaasaqarnermut ataatsimiititaliamut Kommunalbestyrelsimullu innersuussutigineqassasoq

- Ilaqutariinnermut ataatsimiititaliap 2013-imut 1 mio. koruuninik 2014-imullu 2 mio. koruuninik sanaartornermut aningaasaliissutai, atuarfiit illuutaannut kiisalu fritidsklubbimut sanaartornermut pitsanngorsaaneqarnermut tapiliussatut atorneqassasut.
- Aningaasaliissutit taamaalillutik Teknikkimut Avatangiisinullu immikkoortortap Ilinniartitaanermullu immikkoortortap suleqatigiinnerisigut atorfissaanut atuutsinneqassallutik.



- Atuutsitsinissamut siunnersuut innuttaasunik ataatsimiisitsinermi saqqummiussassanut ilaatinneqassasoq, inuusuttut illuannut sanaartornissamut IKSA-mit saqqummiussassamik tunniussisoqariapat.

Ataatsimiititaliani suliap suliarinera

Ilinniartitaanermut Kulturimut Sunngiffimmullu ataatsimiititaliap novembarip 15-ani 2013-imi ataatsimiinnerani Ilaqutariinnermullu ataatsimiititaliap novembarip 18-ani 2013-imi ataatsimiinnerani, allaffeqarfiup innersuussutaa akuersissutigineqarpoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 26-ani 2013-imi ataatsimiinnermini suliaq suliarivaa.

Innersuussut

Kommunalbestyrelsimut innersuussutigineqarput,

Maniitsumi efterskolip atuartut angerlarsimaffiatu eqqaani inuusuttunut utoqqaanerusunut fritidsklubbimik pilersitsisoqassasoq

Maniitsumi meeqqerivikoq Aja peqatigiiffiit illuatut kiisalu nipilersornermi ilinniarfittut ataatsimoorussatut atorneqassasoq

Ilaqutariinnermut ataatsimiititaliap 2013-imut 1 mio. koruuninik 2014-imullu 2 mio. koruuninik sanaartornermut aningaasaliissutai, atuarfiit illuutaannut kiisalu fritidsklubbimut sanaartornermut pitsanngorsaanermut tapiliussatut atorneqassasut.

Aningaasaliissutit taamaalillutik Teknikkimut Avatangiisinullu immikkoortortap Ilinniartitaanermullu immikkoortortap suleqatigiinnerisigut atorfissaanut atuutsinneqassallutik.

Atuutsitsinissamut siunnersuut innuttaasunik ataatsimiisitsinermi saqqummiussassanut ilaatinneqassasoq, inuusuttut illuannut sanaartornissamut IKSA-mit saqqummiussassamik tunniussisoqariapat

Aalajangiineq

Ilanngussaq

Ilanngussaqanngilaq

Imm. 07 Qeqqata Kommunia pillugu kukkunersiuisut nalunaarutaat normu 12 aamma 13

Journalnr. 06.04.01

Tunuliaqutaq

Kommunip 2012-imut naatsorsuutaanit ”Namminersorlutik Oqartussat susassa qarfiinut” tunngasut – Ukiumut naatsorsuusiorfiusumut 2012-imut nalunaarutit ilaat kiisalu ”2012-imut naatsorsuutit kukkunersiorneri” - ukiumut naatsorsuuseriffiusumut 2012-imut inaarutaasumik nalunaarusiamut nalunaarutit normu 12 aamma 13, kommunit kukkunersiuisuisa 2013-imi septembarip 18-iani allakkatigut nassiuppaat.

Maleruagassatigut tunngavissaq

Aqutsinermi inatsisip § 48, imm. 5-ia naapertorlugu kommunalbestyrelsi kukkunersiuisut oqaaseqaataannut akissuteqartussaataavoq, tamatumalu kingorna aalajangiisoqarniariparpat Nakkutilliisoqarfimmut akissuteqaatini ingerlatillugit.

Pissutsit atuuttut

Kukkunersiuisut nalunaarutaanni nr. 12-imi nalunaarutigaa, kommunip Namminersorlutik Oqartussanut naatsorsuutaanut naleqqiullugit, akilernerqartartut oqimaaqatigiisinneqarnissaat suliarineqarsimavoq. Kommunip nalunaarsugai utertitassatullu aalajangersakkanut isumaqatigiissutinullu naapertuunnersutkukkunersiuisut nakkutigaat, taamatuttaarlu misissuiffigineqarluni, Namminersorlutik Oqartussanut ingerlaavartumik akiligassiissutissat isumannaarneqartarsimanersut, matumani suleriaatsitigut eqqortumik immikkoortitsisarnerit isumannaarneqarsimanersut ilanngullugit.

Kommunip 2012-imut naatsorsuutaanit Namminersorlutik Oqartussat susassa qarfiinut tunngatillugu kukkunersiuisut maluginiaqqaat, suliffissarsiuussisarfinni isumaginninnermilu immikkoortortani pisortaanit nakkutilliineq pillugu ukiup ingerlanerani oqaaseqaateqartarsimallutik. Oqaaseqaatit tamakku, aqutsisut nakkutilliinerat pillugu ataavartumik 2012-imut kukkunersiuisut pillugu kukkunersiuisut nalunaarutaatigut normu 11-ikkut akissuteqarfiupput. (tamatumunnga kukkunersiuisut oqaatigaat, tamanna 2012-imi tamakkiisumik naammassineqarsimanngitsoq).

Ilaqtariinnermut ataatsimiititaliap, taamatullu inuutissarsiornermut suliffissaqartitsiniarnermullu ataatsimiititaliap paasisutissiissutigivaat, pisortaausut nakkutilliinerat pillugu sulii malinnaaffigilugu eqaallisaallutik.

Kukkunersiuisut nalunaarutaatigut nr. 13-ikkut tullinnguuttut oqaaseqaatigineqarput:

- Namminersorlutik Oqartussanit tapiiffigineqarlutik pilersaarutit assigiinngitsut kukkunersiuisut misissuataarinnermikkut paasivaat, tapiissutinik tigusinissami inatsisitigut piumasaqaatit pisuni tamani eqqumaffiginiarneqarsimanngitsoq. Innersuussutigineqarpoq, pilersaarutinik aqutsinissaq siunissami annerusumik eqqummaariffigineqarnerussasoq.
- Missingersuutinik aningaasaliissutinillu nakkutilliinermi pingaarnertut immikkoortortani arlalinni sippuilluni atuiffiusimallutik, immikkut aningaasaliiffigineqarnissaannik qinnuteqarfigineqarsimanngitsut. Kukkunersiuisut maluginiaqqaat, Aqutsinermi inatsimmi allasimmamat, Kommunalbestyrelsi aningaasaliissuteqartoqarnissaannik aalajangiisimatinnagu, aningaasartuutaasussannik isertitaqaataaffiusussanillunniit iliuusissanik aallartitsisoqaqqaannangitsoq.

- Sanaartornermut tunngatillugu Kulturikkut Illorsuarmut Taseralimmut tunngatillugu sanaartornermi naatsorsuutit misissorneqarput. Sanaartornermi naatsorsuutit akuerisat naapertorlugit sanaartornermi aningaasaliissutit 33,3 mio. koruuniupput, nalunaarsorneqarsimasut 32,2 mio. koruniullutik, nikingassutaallunilu kr. 1,0 mio., ukioq naatsorsuusiorfiusumi 2004-mi aningaasaliissutinut sanilliullugu sippuilluni atuisimaneq sanaartornermut naatsorsuutinut ilanngunneqarsimanninneranik patsiseqarpoq. Tamatuma kingunerisaanik missingersuutit 2,4 mio. koruuninik sipporneqarput, sanaartornermilu naatsorsuutit takutippaat, missingersuutit 1,3 mio. koruuninik sipporneqar-simasut.
- Aningaasalersuutinut kontoni kontorpaaluit nalimmassarneqarsimasussaagaluit (ingerlatsinermut kontormut nuunneqarsimannigitsut, innuttaasunut/suliffeqarfinnut il.il. isumannaarneqarsimannigitsut). Kukkuersiuisut nalilerpaat, ukiumut naatsorsuutit eqqarsaatigalugit kommunip suleriaasia, aqutsisut nakkutilliinerat, namminnerlu pitsaassutsimik qulakkeerinarerat iluamik ingerlasimannigitsaq. Tamanna suli ajornartorsiutigineqarpoq, taamaattumillu suleriaatsit, periutsit immikkoortortani piaarnerpaamik atuutsilersinneqarnissaat pingaaruteqarluni.
- Qarasaasianut tunngatillugu isumannaallisaaneq pillugu kukkuersiuisut oqaatigaat, kukkuersiuiineq eqqarsaatigalugu kommunip qarasaasiatigut systemiisa atorneqartarnerat aarlerinannigitsaq. Siusinnerusukkutuulli innersuussutigineqarpoq, qarasaasianik atuinermut aamma qarasaasiatigut isumannaallisaaneq pillugu iliuusissaliortoqarlunilu malittarisassior-toqassasoq.
- Ukiumut naatsorsuutit suliarineqarnera imarisaalu pillugit takuneqarsinnaavoq, pisinnaataassutsit nalunaarsugaanerini, Maniitsumi piginneqatigiilluni inissiaatileqatigiiffimmut tunngatillugu qularnaveeqqusiussaqaarluni taarsigassarsinermi allagartaq pillugu paasissutis-saqaannigitsaq.

Allaffeqarfiup naliliinera

Allaffeqarfiup siunnersuutigissavaa, oqaaseqaat tulliuttut akissuteqarfigineqassasoq:

Allaffeqarfiup ajuusaarutigalugu nassuerutigissavaa, ukiuni kingullerni pingasuni inaarutaasumik nalunaarusiatigut oqaaseqaatinik annertuutigut uteqqiilluni kukkuersiuisut oqaaseqaasiorsimam-mata. Taamaattumik pisariaqarsorinarpoq, aningaasaqarnikkut sukangasuumik aqutsinissaq pingaar-tinneqarnissaanik kommunalbestyrelsip aalajangiinera ataatsimiititaliat isiginianerussagaat. Malitta-risassat aalajangerneqarsimasut ataatsimiititaliat annertunerujussuarmik malinnaaffigisariaqar-paat, pisariaqartillugulu missingersuutitigut nuutsinissat qinnuteqaatigisassallugit.

Periutsit, iliuusissat, (malitassiaralugu) pisortat nakkutilliinerat aningaasallu kontuisigut pitsaassut-sikkullu nakkutilliinerit 2012-mi pitsaanerusinnaagaluar-mat allaffeqarfiup isumaqatigivaa.

Kulturikkut illorsuarmut Taseralimmut tunngatillugu sanaartornermut naatsorsuutit sipporneqarsi-manerini, ilaatigut sanaartorfimmik ingerlatsineq, sanaartukkap tunniunneqareernerani suliffeqarfi-up akiliisinnaajunnaarsimaneratigut qulanaveeqqusiinikkut amigaataasunik suliffeqarfik alla isuma-ginnittuusimanagera, sivisuumik sanaartortoqarnera missiliuutitigut A-kkut aningaasaliissutitigullu eqqarsaatigineqarsimanninnera patsisaavoq. Suliffeqarfiup akiliisinnaajunnaarneratigut amigaa-taasut naammassineqarnissaannut aningaasartuutinut matussutissat aatsaat 2013-imi tunniunneqar-put, isertitarlu taanna sanaartornermut tassunga nalunaarsorneqartussaagaluarpoq, sanaartornermilu naatsorsuutit tassannaanniit aatsaat suliarineqarlutik.



Qularnaveeqqusiussaqaarluni taarsigassarsinermi allagartaq pillugu Maniitsumi piginneqatigiilluni inissiaatileqatigiiffik arlaleriarluni kommunip saaffigaa, kingullermillu ukioq manna septembarip qaammataani saaffigalugu. Teknikkimut Avatangiisinullu Immikkoortortaq tamanna malinnaavigis-savaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 26-ani 2013-imi ataatsimiinnermini suliaq suliarivaa.

Innersuussut

Kommunalbestyrelsimut innersuussutigineqassaaq, kukkunersiunermit akissutissatut siunnersuutit saqqummiunneqartut akuersissutigineqassasut.

Aalajangiineq

Ilanngussat

1. Kukkunersiunermit nalunaarut normu 12
2. Kukkunersiunermit nalunaarut normu 13

Imm. 08 Nunaannarmi qamutunik motorilinnik ingerlaffiusinnaasut pillugit nalunaarut

Journalnr. 00.49

Tunuliaqutaq

2013-mi oktobarip qulinganni qamutunik motorilinnik ingerlaffiusinnaasut pillugit Namminersorlutik Oqartussat nalunaarut nutaaq atuuttussanngortippaat. Taassumuuna kommunit nunaannarmi qamutunik motorilinnik angallaffiusinnaasussatigut ileqqoreqqusaliorsinnaanerit toqqammavissinneqarpoq.

Ingerlaffiusinnaasut pillugit nalunaarusiaq 2014-mi januaarip aallaqqaataani atuutilissaaq, taamalillunilu qamutunik motorilinnik Sisimiut Maniitsullu Kommuniini nalunaarut 1999-meersoq atorunnaarsissallugu.

Erseqqissarneqassaaq, ileqqoreqqusakkut qamutunik motorilinnik nunaannarmi angallassinnaaneq kisimi pineqassamat. Taamaalilluni qimussimik pisuinnarlunilu sumiluunniit angalassinnaaneq suli inatsisitigut ajornaateqassanngilaq.

Qamutunik motorilinnik angalassinnaanermi ileqqoreqqusaaq, aammattaaq tammajuitsussarsititsiniarnermi aqqissuussisarnermut attuumassuteqangaatsiarpoq, tamannalu pillugu kommunalbestyrelsip 2013-mi aggustip 29-ani ataatsimiinnerata kingorna tusarniaaneq 2013-mi novembarip 27-anut killilerlugu nassiunnikuuaa. Tammajuitsussarsititsiniarfinni/-nut ataasiakkaanut angallassisinnaanerit neqerooruteqartitsinerni piumasaqaatinut attuumassuteqangaatsiartussaapput. Tammajuitsussarsitit-siniarfiusinnaasutigut neqeroorutit ukiup nutaap aallartitsiarnerani ingerlanneqartussatut naatsorsuu-tigineqarput, tassa kommunalbestyrelsip decembarimi ataatsimiinnissamini kommunimi pilersaarusiamaq tapiliussassaaq inaarutaasumik akuersissutgissappagu.

Maleruagassatigut tunngavissat

Toqqammavissaavoq Avatangiisit innarlitsaaliorneqarnissaanik Inatsisartut inatsisaat nr. 9, 22. November 2011-meersoq, taannalu qamutunik motorilinnik atuisinnaaneq angallassisinnaanerlu pillugit Namminersorlutik Oqartussat nalunaarutaatigut nr. 10, 10. oktober 2013-meersumi immersorneqar-luni.

Avatangiisit pillugit inatsit – Avatangiisit innarlitsaaliorneqarnissaanik Inatsisikkut aalajangersa-gaavoq, illoqarfiit nunaqarfiillu avataanni qamutit angallassisutillu motorillit ileqqoreqqusaliiussi-simasoqartinnagu atoqqusaanngitsut.

Qamutit motorillit pillugit nalunaarut taamaallaat illoqarfiit nunaqarfiillu avataanni atuuttuussaaq, tassalu nunaannarmi.

Kommunit sukumiisumik qamutit motorillit pillugit kommunini ileqqoreqqusat aqutigalugit assartuussinertigut/angallassinertigut aqqissuussisinnaanerit pillugu nalunaarut periarfissiivoq. Tamakkunuuna aalajangersaaffigineqarsinnaallutik:

- Qamutit assartuussissutit/angallassisutit qanoq ittut sumilu atorneqarsinnaaneri.
- Qamutit motorillit inuutissarsiutini aalajangersimasuinnarni atorneqarsinnaassanersut.
- Piffissap qanoq ilinerani qamutit motorillit atorneqarsinnaassanersut.
- Angallaffiusinnaasunik ingerlaffiusinnaasunillu aqqissuussinerit.

Kommunini motorilinnik angallassisinnaanermut ileqqoreqqusaaq inaarutaasumik Naalakkersuisut Inatsiseqarnikkut allaffeqarfianit atuuttussanngortinneqartassapput.



Naalakkersuisut Sisimiut eqqaanni imeqarfimmut killiliussat eqqarsaatigalugit assartuussiffiusinnaasut/angallassiffiusinnaasut pillugit aamma immikkut nalunaarusiorput. Taassumalu aamma ukiut nikinneranni naammassereersimanissaa naatsorsuutigineqarluni.

Tamakku saniatigut paasissutissiissutigineqarsinnaavoq, sanaartugassat taamaasa eqqarsaatigalugit, aatsitassalli eqqarsaatigalugit assartuussiffiusinnaasut/angallaffiusinnaasut aatsitassarsiorneq pillugu inatsimmi pineqarput, taamalu ileqqoreqqusassamut atuumassuteqassanatik.

Pissutsit atuuttut

Kommunini motoorilinnik angalasinnaanermi ileqqoreqqusaliornissami malittarisassat pioreersut aallaviusariaqarput, tassa Sisimiut Maniitsullu kommunii eqqaanni assartuutit motorinik ingerlatillit atorneqarneri pillugit Nalunaarutaat 1999-imeersoq, taamatullu aamma Kangerlussuup nunataata aqutsivigineqarnissaanut pilersaarut 2010-meersoq.

Tamatuma saniatigut motoorilinnik assartuussisinnaanerit/angallassisinnaanerit pillugit nalunaarut 1999-meersoq atuutilermalli, motoorilinnik assartuinissami/angallassinissamilu teknikkikkut pisariaqartitinnikkullu ineriartornikkut annertunerusumik pisariaqartitsisoqalernikuuvoq. Taamatuttaarlu qamuteralaat annertuumik amerlinikuullutik, aammalu ATV-iit sisamanik arfinilinnillu assakaasullit amerleriangaatsiarnikuullutik.

Tulliuttuni siulliullugu motorinik ingerlatilinnik assartuussineq pillugu nalunaarut 1999-meersoq (imm. 1-mi) ingerlanneqassaaq, Kangerlussuup nunataata aqutsivigineqarnissaanut pilersaarut 2010-meersoq (imm. 2-mi) immikkoortuusinnaasullu nutaat, (imm. 3-mi) iluarsisutaasinnaasut.

Periarfissat ukiamut aasamullu agguataagaapput, marluitsigullu assartuussisinnaaneq eqqarsaatigineqarluni (Siullertut akornutaanngitsumik assartuussisinnaaneq pineqarluni, taannalu ukiumiit ukiumut assigiinngissitaarsinnaasarpog, kiisalu ingerlaffissiakkut/aqqusinikkut sioraasukkut nalunaaqutsersugaasukkullu ingerlatsineq), kiisalu assartuussiviit nammineq aqutigerusutakkoorfiusinnaasut:

1. Motoorilinnik assartuussinermi nalunaarut 1999-meersoq

Nalunaarutikkut tassuuna motoorilinnik qanorluunniit ittunik sumiiffinni matuma kinguliani eqqartorneqartuni assartuussisinnaaneq aammaataavoq. Qamuteralaat, ATV-iit, biilit, sisorartarfinnik manissaatit il.il.

1.1. Ukiukkut:

- 1.1.1. Assartuussiviusinnaasut/angallaffiusinnaasut Sisimiut eqqaanni Aqqutikitsumut, kangerluarsuk tulliup isaariaani, kiisalu Sisimiuni imeqarfimmut killeqarfiup kangiatungaani.
- 1.1.2. Sisimiut Kangerlussuullu akornanni assartuussiviusinnaasukkut – tamannalu qamuterallannik, sisorartarfinni manissaatinik, biilnik, qamutinnik larvefodillinnik kiisalu ATV-nik ingerlaffiusinnaavoq, minnerpaamik 20 centimeterinik aqitsumik aputeqarpat apullu manngertisimappat 7 centimeteritut issutigaluni. Assartuussiviusinnaasut tamakku amerlanertigut tatsitigut qerisimasutigoortuusarput, kangerlutsigullu sikulikkoortarlutik. Tamatumani unamminartuuvoq, Kangerlussuup eqqaa aputeqarpiarneq ajormat, taamalu naasui illersorluarneqarsinnaasaratik.
- 1.1.3. Maniitsumi Apussuarni ingerlaffissiaq annertoorujussuuvoq, tamatumani aamma Kangerlussuatsiaap qinngorpiaa ilaalluni.

1.2. Assakkut:

- 1.2.1. Aasakkut sioqqanik aqutissiat avataat ingerlaffigeqqusaanngillat.

- 2. Kangerlussuup nunataata aqutsivigineqarnissaanut pilersaarut 2010-mmut ilaasut**
Maluginiaqquneqassaaq, assartuiffissiat/angallavissiat tamakku angallassisarnerillu immikkut akuersissuteqarfiusarmata, aatsaallu assartuussiffissat pillugit nalunaarutikkut atuutussanngortinneqassallutik.

2.1. Ukiukkut

- 2.1.1. Akuliarusiarsuup kujataa'tungaagut qooqquqqut assartuussivissaq, tamanut atuuttoq.
2.1.2. Kangerlussuakut assartuussivissaq, tamanut atuuttoq.
2.1.3. Tatsip Ataani Tasersuarmut assartuussivissaq, tamanut atuuttoq.
2.1.4. Kangerlussuup kujataani C2-mi aamma C3-mi assartuussivissat – piniartuinnarnut piniarnerullu nalaaniinnaq.
2.1.5. Kangerlussuup kujataani C2-mi aamma C3-mi assartuussivissat – tammajuitsussarsinianuinnaq tammajuitsussarsiorsinnaanerullu nalaaniinnaq.

2.2. Assakut

- 2.2.1. Tatsip Ataani Tasersuarmut assartuussivissaq – kommunip innersuussutaa assartuussivissamik nalunaaqutsersuinissamik avaqqulugu immikkut akuersissuteqartoqarsimatillugu.

3. Sumiiffit nutaat iluarsissutitut ilanngunneqarsinnaagaluit

Toqqammavilersuutit matuma kingunilaava piaartumik nassiunneqassapput.

3.1. Ukiakut

- 3.1.1. Sisimiut eqqaanni Aqutikitsoq ilanngullugu Kangerluarsuk Tullermi Ungallermilu assartuussiffissiat – taamaalilluni ukiukkut illuaqqat tikinneqarsinnaanissat qulakkeerneqassaaq.
3.1.2. Amerlup Kangerlussuk Tulliullu akornanni Utoqqaat Qarajattoq ilanngullugu tungaannut assartuussiffissiat – taamaalilluni Sisimiut eqqaanni qamuterallannut angallavissaq annertunerusoq qulakkeerneqassaaq.
3.1.3. Amitsorsuup kujataatungaani Qeqertalaap Tasianut assartuussiffissiaq – taamaalilluni Sisimiut Kangerlussuullu akornanni qamuterallaat taamatullu tammajuitsussarsiniat periarfissinnissat qulakkeerneqassaaq.
3.1.4. Kangerlussuarmi hotelip avannaatungaani qaqqatigut qamuterallannut ATV-eertunullu ingerlavissiaq – taamaalilluni Kangerlussuup qanittuani qamuterallaat annertunerusumik periarfissinnissat qulakkeerneqarpoq.
3.1.5. Tatsip Ataata qaqqaasa qanittuani angallavissiaq – taamaalilluni Kangerlussuup qanittuani nunaqarfimmi innuttaasut angallavissaat qulakkeerneqarpoq.

3.2. Assakut

- 3.2.1. Kangerluarsuk Ungallermiit Sisimiut avannaanni (erngup nukissiorfimmu) Tasersuarmut sioqqanik aqqusinniaq.
3.2.2. Sisimiut Kangerlussuullu akornanni Itinnermiit Pingumi tatsinut sapisiamut sioqqanik aqqusiaq (erngup nukissiorfiliormut atatillugu sanaaq).
3.2.3. Itillip kangerluani Qaqqatoqqamut sioqqanik aqqusiaq (amerikamiut sanaavat).
3.2.4. Kangerlussuarmiit Aasivissuarnut/Tasersuarmut aqqusinniassaq – sananeqareerunili aatsaat ammaneqarumaarpoq.
3.2.5. Sisimiut Kangerlussuullu akornanni aqqusinniassaq – aatsaalli sananeqareeruni ammarneqarumaarpoq.



Atuilluartuunisakkut kingunerisinnaasai

Inuutissarsiuteqarnikkut atuilluartuunissaq eqqarsaatigalugu nunaannarmik atuisinnaalernissatigut periarfissarititaasut pingaaruteqartuupput, taamaalilluni immap uumasuunik toqqammaveqarnerujussuaq annikillissammat. Taamatuttaarlu ipput aamma innuttaasut sunngiffimminni periarfissaat eqqarsaatigalugit.

Taamaattumik allaavigineqassaaq, nunaannarmi periarfissaasut tikikkuminartuunissaat eqqarsaatigalugu aqqusineqarnissamik pisariaqartitsinerat, periarfissallu tamakku Qeqqata Kommuniata aningaasaqarneranik toqqamavissaatut qulakkeerinnissutaasinnaanissaat. Assersuutigalugu kommunitisinni piniarneq takornariaqarnerlu suli ineriartortinneqarsinnaavoq, taamalu isaatitsissutaanissaat qulakkeerneqarsinnaalluni.

Peqatigitilluguli aamma pingaaruteqarluni, nunaannarmut anngussinnaanissap aaqquissuulluagaanissaa, aammaalilluni nunap pigisai nalillit sapinngisamik ileqqaariniarlugit, angallannerullu pinngitsoorneqarsinnaanngitsup akornusersuutaannginnissaa aamma minnerpaaffimmiitinnissaa eqqarsaatigalugu. Taamaammat nunamik eriaGINNINNISSAQ atuisinnaanerlu imminnut nammaqatigiissittaria-qarput.

Aningaasaqarnikkut allaffissornikkullu kingunerisinnaasai

Ileqqoreqqusap akuersissutaanissaa immini kommunimut aningaasartuutaassanngilaq. Aatsaalli taamaattoqalissalluni, assartuussivissiasat/angallaffissiasat nalunaaqutsersorneqarnissaat kommunip aalajangiutissagaluarpagu.

Taamaattoqassagaluarpammi sanaartornermut ingerlatsinermullu aningaasartuuteqarfiulissammat. Aningaasartuutaalersinnaasulli tamakku namminersortut soqutiginnittut avitseqatigalugit ingerlanneqarsinnaanissaat periarfissaassammat oqaatigisariaqarluni.

Allaffissornerinnaq eqqarsaatigalugu, nakkutilliisuunissaq ileqqoreqqusakkut ingerlateqqinneqassaaq, tamatumali naammassiniarnera ajornartorsiutaajuarsimavoq. Taamaattorli naatsorsuutigineqarluni, Piniarnermik nakkutilliisut Politiillu suleqatigiinnerisigut nakkutilliinnerup pitsanngoriaateqarsinnaanissaa.

Qullersaqarfiup oqaaseqaataa

Immikkut oqaaseqaatitassaqangilaq.

Allaffissornikkut naliliineq

Allaffeqarfik naliliivoq, assartuussiviliornissamik ileqqoreqqusassakkut, nunaannarmi angallassissutinik motorilinnik toqqammavissarisarnerusumik ingerlanneqalersinnaassammat. Peqatigitillugulu naliliisoqarpoq, pisartut taamaaginnarnissaannik isumarput mianersuutigisariaqaratsigu, imaammammi Sisimiut Kangerlussuullu akornatigut aqqusineqalernissaa toqqammavissiuunniarlugu malinnaaffigiuaratsigu. Aqqusineqalernikkummi periarfissarpasuit ammaanepqassagaluar mata, aammalumi assartuussivissanik aqqusineqarnermut pissutsinik allannguutaalluinnartussaalluni.

Tamaattumik allaffeqarfik isumaqarpoq, taamaattumik ileqqoreqqusaliornissakkut aamma innuttaasunik oqallinnikkut attaveqarnermut iluaqutaasussaammat. Allatut oqaatigalugu, inuiaqatigiinni allannqortoqarnerata kingunerisaanik ileqqoreqqusassap allannqortinnissaa pisariaqalernissoq ingerlaavartumik malinnaaffigineqarnissaa pingaaruteqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 22-ani 2013-imi ataatsimiinnermini suliaq suliarivaa.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap oktobarip 24-ani 2013-imi ataatsimiinnermini suliaq suliarivaa.

Kommunalbestyrelsimi suliap suliarinera

Kommunalbestyrelsip oktobarip 31-ani 2013-imi ataatsimiinnermini suliaq suliarivaa aalajangiullugillu,

Qeqqata Kommuniani motorilinnik assartuussisinnanissamut Ileqqoreqqusassamik Kommunalbestyrelsimi 2013-imi decembarip tallimaanni akuereqqullugu saqqummiussisoqassasoq, taamaalilluni ileqqoreqqusassaq 2014-imi januaarip allaqqaataaniit atuutilersinnaassammat.

Ileqqoreqqusaliassaq assartuussivissianik pillugu nalunaarutaasoq (imm. 1) 1999-meersoq, kiisalu Kangerlussuup nunataata aqutsivigineqarnissaanut pilersaarut 2010-meersoq (imm. 2-mi) aalaavigineqassasut.

Assartuussivissiassat/angallavissiassat nutaat sorliit ileqqoreqqusamut ilanngunneqassanersut (imm. 3)

Siunnersuutit 2013-imi novembarip 20-ata tungaanut tamanut oqallisissiatut saqqummiunneqassasut, aammalu innuttaasunik ataatsimiititsinissaq aaqqissuunneqassasoq.

Suliap suliareqqinneqarnera

Kommunalbestyrelsip 2013-imi oktobarip 31-ani aalajangiinera naapertorlugu 2013-imi novembarip tallimaanit 2013-imi novembarip 15-iata tungaanut Sisimiuni, Maniitsumi, Kangaamiuni, Kangerlussuarmilu innuttaasunik ataatsimiisitsisoqarpoq. Soqutigisaqatigiit tamarmik tusarneqarnissaat qulakkeerniarlugu novembarip 15-iani Sisimiuni Aalisarnermut Piniarnermullu peqatigiiffiit aamma Peqatigiiffik Qimusseq ataatsimeeqatigineqarput.

Kommunalbestyrelsip ataatsimiinnerani suliap eqqartorneqarnerani aalajangerneqarpoq, 2013-imi novembarip 20-ata tungaanut tusarniutigineqassasoq.

Taamaalilluni innuttaasunik ataatsimiisitsinernit imaqarniliat tamarmik pigineqarput, ilassutitullu oqaaseqaatinik tullinnguuttut tunniussinikuullutik.

1. Malene Ingemann
2. Karsten Lings
3. Henrik Fleischer
4. Erik Lomholt Beck
5. Helle aamma Jan Olsen
6. Johanne Bech
7. Marius Olsen
8. Thomas Olsen
9. Jens Pavia.
10. Jan Olsen, Kangerlussuaq
11. Qimusseq, Sisimiut
12. Sisimiut Snescooterforening
13. Kangerlussuaq snescooterforening
14. Ilassutitut oqaaseqaatit – nutsigassat.

Ileqqoreqqusassatut siunnersuutip kukkunersiorneqarnissaanik siunnersuut.

Innuttaasunik ataatsimiisitsinernit imaqarniliani tamanna eqqaaneqarpoq, oqaaseqaatinilu nassiuuneqarsimasuni tunngaviusumik apeqqutit arlallit apeqqutigineqartut, ileqqoreqqusassap qanoq ilusilersorneqarnissaanut, sumilu assartuiveqarnissaanik ingerlavissiaqarnissaanillu eqqarsaatissiissutinik pilersitsipput.

Qamutit motorillit nunaannarmi angallassitutiginissaat pillugit ileqqoreqqusassap akuersissutigineqarnissaanut atatillugu eqimattat tamarmik kissaataat ilanngunneqarsinnaanngillat. Qamutit motorillit angallassitutigineqartarnerisa allanngoriartornera ilutigalugu ileqqoreqqusap nutarterneqartarnissaa aamma pisariaqartinneqartarsinnaassaaq.

Innuttaasunik ataatsimiisitsereernerup, oqaaseqaatillu tigoreernerisigut Qamutit motorillit nunaannarmi angallassitutiginissaat pillugit ileqqoreqqusassatut siunnersuummik allanngortitsinissamut eqqarsaatersuuteqalersitsisut tullinnguuttumi nassuiarneqarput:

Sisimiut.

Sisimiuni angallavissiap iluarsivigineqarnissaa.

- Illuaraatillit ukiuunerani qamuterallannik illuaqqaminukarsinnaanissaat, qamuterallattartullu kiffaangissuseqarlutik pinnguarsinnaanissaat periarfissaatikkumallugu, nunap immikkoortortaa annertoq 1.1.1 immikkoortinneqarpoq. Immikkoortortap annertuneratigut nunatat angallannermit annikinnerusumik sunnertinnissaat ilaatigut aallaavigineqarpoq
- Sisimiut eqqaani angallavissap 1.1.1-ip iluarsivigineqarnissaanut siunnersuutit pingasut suliamut ilanngussatut ilanngunneqarput.
 - Siunnersuut 1. Tusarniutigineqarnerani nunaminertaq taakkartorneqartoq annertusineqarluni, Tasersuakkoorluni Kangerluarsuk Ungatdlermukarsinnaalernissaaq pineqarpoq. Qamuterallannik angallattartut kissaataat siunnersuummut tassunga aallaaviuvoq.

- Siunnersuut 2. Sisimiuni qamuterallannik angallannermi isumannaallisaaneq pillugu Tasersuaq, erngup nukingani nukissiorfimmu pilersuilluni tatsip ilanngunneqarnissaa. Sisimiuni 2013-imi novembarip tallimaani innuttaasunik ataatsimiisitsinermi tamanna assigiinngitsunit, aamma Snescooterklubben-iminngaanniit iluarsiiisutissatut kissaatigineqarpoq. Qimussertartut kissaatigisaat naapertorlugu immikkoortorta q taanna Akorngata aamma Kangerluarsuk Ungatdliup Tudliullu anigguia nalaannut annikillisinneqassaaq.
- Siunnersuut 3. Siunnersuummi matumani qamuterallattarfiit Aqutikitsumut aamma Kangerluarsuk Tudliup kujataatungaanut killilerneqarput, angallaviillu atassuteqartillugit kangerluup qinnguani qamuterallannit angallavissiaalluni. Qamuterallannik il.il. angalalluni illuaqqiartarnerit ilaatigut inunnut ataasiakkaanut qamuterallaallu nummerpladeqartillugit akuersissuteqartalernissakkut iluarsiiigineqarsinnaavoq. Sisimiut eqqaani qimussimik takornarissanik angallassilluni qamuterallannik tusarsaasoqarani nunatami annerusumi angallassisinnaanissamik Peqatigiiffik Qimussip aamma ilaatigut Johanne Bech-ip apeqquteqaataat naammassiumallugu siunnersuut siunnersuutigineqarpoq. Angalasinnaanissamut ataasiakkaanut akuersissuteqartassagaanni allaffissornikkut suliasat annertusissammata, atortitsinissamullu naammassiuminaatsitsilissammat oqaatigineqassaaq.

Sisimiut Kangerlussuullu akornanni ukiuunerani ingerlavissiat 1.1.2-p iluarsiiigineqarnissaa

- Qamuterallaat Amitsorsuup kujataatungaani ingerlavissiamut innersuunneqarnerisigut, avannaatungaalu qimussertunuinnaq ingerlavissianngortinneratigut, avannaatungaani qamuterallasinnaanissaq Tasersuarmut killilerneqarsinnaavoq. Tamanna Qimussermit ataasiakkaaniillu siunnersuutigineqarpoq. Tasersuup avannaatungaataq ingerlavissiaq ingerlavigineqarpiarneq ajorluni, kujataatungaani ingerlavissiaq aqutigineqarnerusartoq, qamuterallattartunit arlalinnit paasissutissiiisutigineqarpoq.

Maniitsoq.

Maniitsumi ingerlavissiaq 1.1.3 attatiinnarneqassaaq. Napasumi Atammimmilu nunaqarfimmi aqutsisut innersuussutaat innersuussutigalugit innersuussutigineqassaaq, nunaqarfiit eqqaani nunatat ilanngunneqassanngitsut. Innuttaasunik ataatsimiisitsinermi paasinarsivoq, Kangerluussuup kujataatungaani Tatsip Ataani nunatat soqutigineqarnerusut, tassani ileqqutoqqatut aavarsinnaaneq attatiinnarneqarnissaa kissaatigineqarpoq, soorluttaaq Tatsip Ataata Tasersuullu akornanni ingerlavissiaq ilanngullugu immikkoortoq 3.1.5 pilersaarummit peerneqarnissaa siunnersuutigineqarluni.

Kangaamiut

Kangaamiuni nutaanik ingerlavissialiisoqarnissaa kissaatigineqanngilaq. Kangaamiuni innuttaasunik ataatsimiisitsinermi paasinarsivoq, Kangerluussuup kujataatungaani Tatsip Ataani nunatat soqutigineqarnerusut, tassani innuttaasut siunnersuutigimmassuk Tatsip Ataata Tasersuullu akornanni ingerlavissiaq ilanngullugu immikkoortoq 3.1.5 pilersaarummit peerneqassasoq.

Kangerlussuaq

Kangerluup kujataatungaani ingerlavissiap 3.1.5-ip iluarsiiigineqarnissaa.

- Immikkoortorta Qamutit motoorillit pillugit ileqqoreqqusassamit peerneqassasoq – ilaatigut Maniitsormiut Kangaamiormiullu taanna aaqqiagiinngissutaalersinnaassasoq piniartut oqaatigimmassuk. – ilaatigut Kangerlussuarmi snescooter klubben oqaatigimmassuk, immikkoortorta ammasumik ingerlavissiaassaassaguni imatut naleqqutissanngitsaq.



Kangerlussuup illoqarfiata Hotelillu avannaatungaani qaqqami nalinginnaasumik ingerlavissialiinissaq 3.1.4.

- Immikkoortortat 3.1.5 aamma 3.1.3 annikillisinneqarnerinut taartissatut immikkoortortaq ingerlavissiannngortinneqassaaq. Ataatsimut isigalugu immikkoortortaq nunaqarfiup qanitarisaaniittoq annikinnerusoq pineqarpoq. Taamaalilluni Hotelip avannaatungaani qaqqami ingerlavissiassaq Qamutit motorillit pillugit ileqqoreqqusassamit peerneqassaaq. Kangerlussuarmi snescooterklubbeniminngaanniit oqaaseqaatigineqartut tunuliaqutaralugit innersuussutigineqarpoq.

Kangerlussuup kangerluata avannaatungaani ingerlavissiap 3.1.3-p iluarsiivigineqarnissaa

- Immikkoortortap kitaatungaa ingerlavissiassamit peerneqarnissaa innersuussutigineqarpoq – ilaatigut tuttoqassutsimut akornutaalernissaa piniartut tungaannit oqaatigineqarmat.
- Immikkoortortaq tamanna tuttoqarpallaarunnaarsimasoq aamma Pinngortitaleriffimmit oqaatigineqarmat.

Tatsip Ataata aamma Tasersuup akornanni ukioq kaajallallugu ingerlavissiap 2.2.1.

- Ingerlavissiap taanna ataavartunngortinneqassasoq innersuussutigineqarpoq, ingerlavissiarlu aasaanerani Tasersuaq tikillugu taamaallaat ingerlavigineqarsinnaasoq erseqqissaatigineqarpoq. Ingerlavissiap ataavartunngortinneqarnissaanut atuisartut nalunaaqutsersuissasut piunasaqaataasariaqarpoq.

Nunami qamuterallannit ATV-nillu angallanneq.

○ Qamuterallaat:

- Nuna 20 centimeterinik manngertuunngitsumik imaluunniit manngertumik 7 centimeterinik aputeqartinnagu angallassissutigineqarsinnaanngillat. Qamuterallaat ukiukkuinnaq atorneqarsinnaapput.
- Aputeqartillugu naasoqassuseq takussaasumik aserorterneqassanngilaq, taamaakkaluartorli aqqaataa ilaani aputeqannginnersaqassappat, qamuterallaat aamma naasoqassutsimut aserorsaataassapput.
- Kangerlussuup eqqaani immikkoortortat C2 aamma C3 ukiuunerani nalinginnaasumik aputeqarpiarneq ajormat, piniarnermut atatillugu qamuterallannik angallaffikkuminaapput.

○ ATV:

- Ukioq kaajallallugu nunakkoortutigineqarsinnaapput, ukiukkulli aatsaat aputeqarujussuaqartinnagu angallatigineqarsinnaallutik.
- Aasakkut ukiukkulli naasoqassutsimut ersarissumik aserorsaataasarput, ingerlavigisimasaallu ersarilluinnartarlutik. Aasaanerani maralloqarfikkooarsimatillugit ingerlavigisimasaat illininillutik ersarilluinnartarput.
- Aasakkut ukiukkulli ingerlavigisimasaat nalinginnaasumik ukiorpassuarni ersarittarput.

Kangerlussuup eqqaani aputeqarpiannngitsuni ATV-nik angalanerit.

- Qamuterallannik ATV-nillu ingerlavissiani naammattumik aputeqassusilinni (20 centimeterinik manngertuunngitsumik imaluunniit manngertumik 7 centimeterinik) ingerlasinnaanissaasa attatiinnarneqarnissaat innersuussutigineqarpoq.
- Periarfissatulli ingerlavissiat kisiisa aqutugalugit ingerlasarnissaat akuerineqarsinnaavoq.



Tammajuitsussarsititsiniarluni piniariartitsisarnerit.

Tammajuitsussarsititsiniarluni piniariartitsinermut atatillugu ATV-nik qamuterallannillu atuneq.

- Tammajuitsussarsititsiniarluni piniariartitsinermut atatillugu assersuutigalugu ATV-nik atuisinnaanissaq qulakkeerneqassava – ATV-it immikkoortortani killeqarfiusuniinnaq angalasimanerat sumilu angalasimanerat nakkutilliisumit takuneqarsinnaanngorlugu GPS-eqarnissaat qulakkeerneqarsinnaappat.

Inuutissarsiutigalugu piniarnerit.

Inuutissarsiutigalugu piniarnermut atatillugu ATV-nik qamuterallannillu atuneq.

- C2-mi C3-milu inuutissarsiutigalugu piniarnermut atatillugu qamutinik motoorilinnik atuinerup annikillisinneqarnissaa qulakkeerneqassava – immikkoortortaq ukiuunerani apinikittangaarmat, aasaanerani qamutinik motoorilinnik angallannertulli ukiukkut qamutinik motoorilinnik angallanneq naasoqassutsimut aserorsaataasarpoq.
- Pisat piffissaagallartillugu neqileriffimmut tunniunneqarsinnaanissaannut periarfissat pitsaanerulersinneqarnissaat ilaatigut patsisigalugu ATV-it atorineqarsinnaanissaannut tunngavigineqarpoq.
- Ingerlavissiani nalunaaqutserneqarsimasuunnaq kisimi ATV-nik angalasinnaanermut akuersissuteqartoqartassasoq innersuussutigineqarpoq. C2-mi C3-milu tamanna periarfissaatinneqassappat, ileqqoreqqusami ingerlavissiat ersarissut ilanngunneqartariaqarput.
- Piniariartarfinit pisaminik assartuummik atuisinnaanissaminut Thomas Olsen qinnuteqarnikuuvoq. Assartuut pillugu paasissutissat nassiunneqarnerisa kingorna uppersarneqarsinnaavoq, qamuterallannut ATV-nullu sanilliullugu assartuutip nunamut naqitsisarnera siammasinnerummat nunamut naasoqassutsimullu aserorsaataannginnerusoq. Nassuiaat oqaaseqaatini nassiunneqarnikuusuni atuarneqarsinnaavoq. Assartuummik atuisinnaanissaq akuersissutigineqassappat, tamanna ileqqoreqqusatigut ammaanneqartariaqarpoq.

Uumasunik mikinerusunik piniarneq.

- Piniarneq nakkutigiuminaatsorujussuuvoq – ataatsimulli isigalugu piniarneq pillugu inatsit naapertorlugu qamutinit motoorilinnit toqqaannartumik piniarneq inerteqqutaavoq. Nalunaarut taanna assilillugu ilanngussatut ilanngunneqarpoq.
- Qamuterallannit piniartarneq ileqqutut qimussinit piniartarnermut akornutaasoq arlalinnit oqaatigineqarpoq, matumanimi qimussit arriinnerusunik assartuutaammata. Pitsaanerusunik piniariaaseqalernikkut imaluunnit immikkoortortap qamuterallannik ingerlaviusinnaasup annikillisinneqarneratigut ajornartorsiut tamanna aatsaat qaangerneqaarsinnaavoq.

Ungooraluni piniarneq.

- 2014/2015-imi misiliilluni ungooraluni piniarnerit ingerlanneqarnissaat ilimanaateqarpoq, C2-mi C3-milu ATV atorineqarnissaat naatsorsuutigineqarluni. Qamutinik motoorilinnik angallassutiginissaq pillugu ileqqoreqqusami ATV ilanngunneqanngippata, taava immikkut akuersissuteqarsinnaavoq.

Innersuussut

Allaffeqarfiup innersuussutigaa, ileqqoreqqusassatigut tunngavissat ingerlavissiassatullu taakkartorneqarlutik tullinnguuttutut iluarsiiisutigalugit qamutit motorillit angallassissutiginiisaat pillugu ileqqoreqqusassaq akuersissutigineqassasoq.

Kommunalbestyrelsi tullinnguuttutut isummeqquneqarpoq:

- Ingerlavissiami 3.1.1-imi modeli 1, 2 imaluunniit 3 toqqarneqassanersoq
- Avannaatungaani Tasersuup nalaani ingerlavissiaq 1.1.2 assartuiffissaajunnaarsinneqassanersoq
- Tatsip Ataata kujataatungaa tamanut ingerlavissiaq 3.1.5 ileqqoreqqusamit peerneqassanersoq
- Tatsip Ataanit Tasersuarmut ukioq kaajallallugu ingerlavissiaq 2.2.1 attatiinnarneqassanersoq
- Avannaatungaani ingerlavissiaq 3.1.3 siunnersuutigineqartutut annikillisinneqassanersoq
- Hotelip avannaatungaani qaqqami nalinginnaasumik ingerlavissamik nutaamik 3.1.6-imik ingerlavissiisoqassanersoq
- Nuna 20 centimeterinik manngertuunngitsumik imaluunniit manngertumik 7 centimeterinik aputeqarnerani kisimi angallattoqarsinnaanissaa attatiinnarneqassanersoq
- Immikkoortuni C2-mi C3-milu ukuiunerani inuutissarsiornermut atatillugu ATV-nik angallavigineqarsinnaanngortinneqassanersoq imaluunniit qamuteralaat angallassinnaasutuatut akuerineqassanersut
- Immikkoortuni C2-mi C3-milu inuutissarsiuutigalugu piniarnermut atatillugu ATV-inut ingerlavissiisoqassanersoq.
- Qeqqata Kommunian aqputissianut aserfallatsaaliisussaatitaannginnissaa piunasaqaatigalugu nunaannarmi 3.2.1-imi, 3.2.1-imi aamma 3.2.3-mi aqputissiat piusut attatiinnarneqassanersut
- Ingerlavissianiinnaq angallattoqarnissaa, angallatillu GPS-eqarnissaannik piunasaqaatigalugu tammajuitsussarsititsiniarluni piniariartitsinernut atatillugu ATV-it atorineqarsinnaalersinneqassanersut
- Pisat pisaqarfimmit assartorneqarnissaannut ”assartuutit” atorineqarsinnaanngortinneqassanersut

Aalajangiineq.

Ilanngussat

1. Qamutit motorillit Qeqqata Kommuniani nunaannarmi angallassissutiginiisaat pillugu ileqqoreqqusassatut siunnersuut.
2. Qamutinik motorilinnik atuisinnaaneq angallassisinnaanerlu pillugit Namminersorlutik Oqartussat nalunaarutaat nr. 10, 10. oktober 2013-imeersoq
3. Nunap assinga takussutissaq
4. Timmissanik teriannianillu piniarneq pillugu nalunaarut.
5. Innuttaasunik ataatsimiisitsinermut innuttaasuniillu oqaaseqaatit (Malinnaatinneqassapput)



Imm. 09 Qimmit qitsuillu pillugit ileqqoreqqusap akuersissutigineqarnissaa

Journalnr. 72.07.00

Tunuliaqutaq

Kommunip avannaatungaa (Sisimiut Kommuniusimasooq) 1999-imi decembarip 31-anili qimmeqarnermi qitsuuteqarnermilu ileqqoreqqusaqarnikuunngilaq.

Kommunip kujataarungaa (Maniitsup Kommunerisimasaa) 2005-imi aggustip 17-iani atuutilersumik ileqqoreqqusaqarpoq. Sisimiuni ileqqoreqqusap atuutinnginneranut patsisaasoq tassaavoq: Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersumi kapitali 11-mi § 29-mi imm. 4. Kommunit qimmit pillugit ileqqoreqqusaat atuutiinnassapput kapitali 4 naapertorlugu qimmit qitsuillu pillugit ileqqoreqqusalianit nutaanit taarserneqarnissamik tungaannut, kingusinnerpaamillu 31. december 1999.

Tamatuma saniatigut ileqqoreqqusami atorunnaarnikumi qitsuit ilaatinneqanngimmata, qangaaniilli ileqqoreqqusap nutarterneqarnissaa pisariaqartinneqarnikuuvoq.

Maleruagassatigut tunngavissat

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq

Kommunit qimmit qitsuillu pillugit ileqqoreqqusaat pillugit Namminersornerullutik Oqartussat nalunaarutaat nr. 15 ulloq 19. juni 2003-imeersoq.

Pissutsit atuuttut

Qeqqata Kommuniani qimmeqarneq qitsuuteqarnerlu pillugit ileqqoreqqusassatut siunnersuut, Kommunalbestyrelsip 2011-mi februaarip 24-ani ukioq taanna aappasaanik ataatsimiinnermini akuersissutigaa. Siunnersuut Namminersorlutik Oqartussanit siullermeertumik inatsisiliornermi teknikkikkut akuersissutigineqarpoq. Ileqqoreqqusassaq nutaaq inatsisiliornermi teknikkikkut marloriarluni akuersissutigineqartartussaavoq.

Teknikkimut avatangiisinullu Immikkoortortaq iluarsiiisuteqareerlunilu allanngortitassanik allanguereermat, siunnersuut 2012-imi decembarip qaammataani inatsisiliornermi teknikkikkut aappasaanik akuersissutigineqarpoq. Inatsisiliornermi teknikkikkut suliarineqarnerani arlalitsigut aamma allanngortinneqarpoq, kommunalbestyrelsilu ileqqoreqqusassamik 2011-mi februaarip 24-ani akuersissuteqarneranut sanilliullugu ileqqoreqqusassaq arlalitsigut allanguuteqarfigineqareernikuullunilu iluarsiiisuteqarfigineqarnikuulluni. Taamani politikikkut akuersissutigineqarnissaa, borgmesterimit atsiorneqarnissaa, Namminersorlutillu Oqartussanit aalajangersarneqarnissaa amigaataaginnarlutik naammassisutut isigineqaralarpoq.

Teknikkimut avatangiisinullu ataatsimiititaliap 2013-imi siullermeertumik ataatsimiilluni februaarip tallimaani ataatsimiinnera ileqqoreqqusassaq akuersissutigineqartussanngorlugu kukkusumik ingerlatinneqarpoq. Kommunalbestyrelsimut qinersinissaq patsisaalluni qinersineq qaangiutereerpat, kommunalbestyrelsissarlutik ivertinneqareerpat aatsaat borgmesteri atsiorsinnaanikuuvoq.

Naalackersuisunut qinersinissaq patsisaalluni Naalackersuisussat nutaat ivertinneqarnissaat sioqqullugu Aalisarnermut, Piniarnermut Nunalerinermullu Naalackersuisooq ileqqoreqqusaimk aalajangersaalluni atsiorsinnaasimannngilaq. Taamaalluni ileqqoreqqusassat aatsaat 2013-imi maajp qaammataani aalajangersarneqartussatut nassiunneqarpoq. Qaammatit marluk qaangiummata oqaaseqatigiit kukkuneqarnerarlugit akissuteqartoqarpoq. Inatsisitoq – Nalunaarutit – maliinnarlugu kalaallisut oqaasertai saamia-tungaaniisillugit, qallunaatullu oqaasertai talerpiatungaaniisillugit ilusilersorneqarnikuuvoq.

Allanngortinneqarnerani kalaallisoortaani nutaannginneq atorlugu oqaasertalerneqarsimagami kukkuneqarsimavoq. Tamatumani nutserisup maluginiarpaa, ileqqoreqqusaq taamatut isikkoqartilluni kommunalbestyrelsimit akuersissutigineqarani Teknikkimut avatangiisinullu ataatsimiititaliamit akuersissutigineqarsimasoq.

Taamaalilluni ileqqoreqqusap kommunalbestyrelsimit akuerineqarnissaa amigaataavoq.

Innuttaasunik ataatsimiisitsinerup kingunerisaanik qimmeqarneq malittarisassallu pillugu inerniliinerit ileqqoreqqusamut ilanngunneqartariaqarput.

Inatsisiliornermi teknikkimmut aappasaanik akuersissutigineqareerneratigut oqaaseqatigiit allanngortinneqarsinnaanngillat. Allanngortinneqaaqqissaguni inatsisitigut teknikkikkut akuerineqaaqqeartaariaqassaaq.

Innuttaasunik ataatsimiisitsinerup kingunerisaanik inerniliutigineqartut saniatigut ileqqoreqqusassamut ilanngukkusunnarsinnaallutik allannguutaasinnaasut sulii eqqartorluarneqanngillat. Taamaalilluni allannguutissat annertungaarmata ileqqoreqqusassaaq nutaajuvoq, taamaalillunilu inatsisiliornermi teknikkikkut siullermeertumik aappasaanillu akuersissutigineqartariaqarluni. Tamatuma saniatigut Teknikkimut Avatangiisinullu Immikkoortortap ileqqoreqqusaliornermi piffissaq atortariaqagaa. Misilittakkat aallaavigalugit tamanna ukioq ataatsimit marluk tikillugu sivisussuseqarsinnaavoq.

Taamaalilluni periarfissat marluupput.

- Ileqqoreqqusaq maannamut suliarineqarsimasoq naammassineqarsinnaavoq, tamannalu piaartumik ingerlanneqarsinnaalluni. Imaappoq, qaammat ataaseq marlulluunniit ingerlanerini naammassineqarsinnaalluni. Tamatuma kingorna kommunimi qimmeqarneq qitsuuteqarnerlu pillugit ileqqoreqqusamik atuuttumik ileqqoreqqusaqarluni, assigiinnigitsutigut allannguutissat suliaralugit ileqqoreqqusaq nutarsarlugu aallartinneqassaaq. Ukioq ataaseq marlulluunniit qaangiuppata nutaaq naammassineqassasoq naatsorsuutigineqassaaq.
- Imaluunniit massakkut ileqqoreqqusaliarineqarsimasoq atorunnaarseriarlugu allannguutissat assigiinnigitsut ilanngullugit nutaamik ileqqorisassaaq aallartinneqarsinnaavoq. Ileqqoreqqusassaaq ukioq ataaseq marlulluunniit qaangiuppata naammassineqassasoq naatsorsuutigineqassaaq.

Atuilluartuunissakkut kingunerisinnaasai

Kingunissaqanngilaq.

Aningaasaqarnikkut allaffissornikkullu kingunerisinnaasai

Allaffissorneq eqqarsaatigalugu atuuttumik ileqqoreqqusaaqarnissaaq pingaaruteqarpoq. Ulluinnarni sulineri assersuutigalugu qimmilivissamik atugassiisoqarnerani affarlerisamut 10 meterimik ungasitsigisumiinnissaanik ileqqoreqqusatigut malittarisassaanikuvoq. Ileqqoreqqusaqaranili pisariaqartillugu tamanna pillugu inatsit, affarlerisamut 7,5 meterinik ungasitsigisumiinnissaanik piunsaqaatitaqartoq atorneqarsinnaavoq, taamaattoqassappalli maalaarutit arlallit tiguneqartarlutik allaffissornikkut suliaassat annertoorujussuannussapput. Qitsuit kinguaassioqqusaannginnerinik piunsaqaat kiisalu qitsuit kinguaassiorsinnaajunnaarsinneqartarnissaannik piunsaqaat, ileqqoreqqusassaaq naammassineqartinnagu naammassineqarsinnaanngilaq.

Qullersaqarfiup oqaaseqaatai



Allaffeqarfiup naliliinera

Ukiuni 14-inngulersuni kommuni atuuttumik ileqqorisassaqaarnikuunngilaq, tamannalu ulluinnarni aallaffissornikkut sulinermi amigaataavoq, soorluttaaq kommunit ileqqoreqqusassaqaarnissaannik malittarisassamik kommuni unioqqutitsisoq. Tamanna tunuliaqutaralugu suliassaq pilertortumik naammassineqarsinnaammat, ileqqoreqqusassaq maannamut suliarineqarsimasoq allaffeqarfiup naammassillugu suliaraa. Tullertut innuttaasunik ataatsimiisitsinerup kingunerisaanik inerniliussat allannguutissatullu kissaatigineqartut iluarsiiisutigalugit aappasaanik saqqummiussassaalluni ileqqoreqqusassaq suliaralugu aallartinneqassaaq. Suliassaq tamanna ukioq ataaseq sinnerlugu suliarineqarsinnaavoq. Illuatungaatigulli ileqqoreqqusap isukkua pillugu akuerineqarsinnaanngineranik Naalakkersuisoqarfik aallaqqaammulli nalunaaruteqarsimannginnertik patsisigalugu kommuni immikkut ittumik sullinniarlugu neriorsuinikummata, ileqqoreqqusaq maannamut suliarineqarsimasoq qaammatialuit ingerlanerini aalajangersaaffigineqarsinnaavoq.

Atuuttumik ileqqoreqqusaaqannginneq ulluinnarni malugineqarsinnaavoq, soorluttaaq ileqqoreqqusaaqannginneq piffissap ingerlanerani Namminersorlutik Oqartussanit eqqaasitsissutigineqartarsimasoq. Piaartumik atuuttumik ileqqoreqqusaaqalernissaq pingaaruteqarpoq.

Innersuussut

Teknikkimut avatangiisinullu immikkoortortap Kommunalbestyrelsimut innersuussutigaa, ileqqoreqqusaaq maanna suliarineqarsimasoq akuersissutigineqassasoq

Aalajangiineq

Ilanngussaq

1. Qeqqata Kommunianut qimmit qitsuillu pillugiq ileqqoreqqusassaq iluarsaataq. (Ileqqoreqqusat marluutillugit, matumani ilassutit, piiakkat, assigiinngitsutigullu allannguutit takuneqarsinnaanngorlugit)

Imm. 10 Qeqqata kommuniani meeqqat atuarfiisa aqunneqarnerini ileqqoreqqusamut siunnersuut

Journalnr. 51.00

Tunuliaqutaq

Meeqqat atuarfii ineriartortinneqarnissaat pillugit Qeqqata Kommuniani kommunalbestyrelsi 2011-mi marsip 11-ani 12-iani kommunimi meeqqat atuarfii pillugit isumasioqatigiisitsinermili suliamik ingerlataqarpoq. Atuarfinnik pitsanngorsaaniisaq aallaavigalugu Qeqqata Kommuniani meeqqat atuarfiisa aqunneqarnerini ileqqoreqqusamut siunnersuut 2012-imi decembarimi saqqummiunneqarpoq. Kommunitsinni meeqqat atuarfiisa sinaakutissaat aqunneqarnerinut ileqqoreqqusami allaaserineqarput. 2012-imi decembarip arfernani Aqutsinermut ileqqoreqqusamut siunnersuut kommunalbestyrelsimit akuerineqarpoq. Taamaalisukkut Atuarfik pillugu Inatsisartut inatsississaattut siunnersuut nr. 15, 3. December 2012-imeersoq akuerineqarpoq, aqutsinermut ileqqoreqqusamut siunnersuutip inatsit nutaaq malillugu aqqiissuutittariaqarneranik kinguneqartumik. Taamatut sulineq maannakkut naammassereerpoq aammalu tamatumap kingornagut meeqqat atuarfiini tusarniaassutigineqarluni. Suliap uuma saqqummiunneqarnerani inatsit nutaaq malillugu aqutsinermut ileqqoreqqusamut siunnersuummi aqqiissuteqartoqarnikuuvoq kiisalu aqqiissutinut taakkununga tunngassuteqartumik tusarniaanermut akissuteqartoqarnikuulluni.

Maleruagassatigut tunngavissat

Atuarfik pillugu Inatsisartut peqqussutaat nr. 8, 21. maj 2002-meersoq.

Kapitali 9 § 43-mi allaqqavoq: ”... Kommunalbestyrelsip atuarfiit sulineranni anguniagassat sinaakutissallu aalajangersassavai. Kommunalbestyrelse atuarfiit sulinerannik nakkutilliisuvoq.”

Meeqqat atuarfiisa aqunneqarnerinut ileqqoreqqusat inatsisit malillugit pisussaaffiupput.

Kapitali 9 § 44 ima allassimavoq:

” Atuarfinni siulersuisut oqaaseqaateqartereernerisigut kommunalbestyrelse kommunimi atuarfeqarfiup aqunneqarnera pillugu ileqqoreqqusaliussaaq. Ileqqoreqqusap makku pillugit aalajangersakkat ilaatigut imarissavai:

- 1) Angajoqqaat ilaasortaaitaasa atuarfiup siulersuisuini amerlassusissaat.
- 2) Atuarfiup siulersuisuini taaseqataasinnaanani ataatsimeeqataasartussamik pisariaqartitsineq naapertorlugu toqqaaneq, tak. § 45, imm. 4.
- 3) Atuarfiup siulersuisuini ilinniartitsisut atuartullu ilaasortaaitassaannik qinersinermi periusissat.
- 4) Kommunalbestyrelsip § 45, imm. 10 malillugu angajoqqaat ilaasortaaitaannik qinersisarneq kipungasumik pisassasoq aalajangersimaneraa.
- 5) Kommunip atuarfeqarfiani ataatsimoorluni siunnersuisartoqatigiisusinnaasut katitigaanerat.

Imm. 2. Ileqqoreqqusap imarissavaattaq pisinnaatitaaffiit § 43, imm. 4 naapertorlugu atuarfiup siulersuisuinut isumagisassanngortitaasimasinnaasut allaaserinerat.

Imm. 3. Ileqqoreqqusamut ilanngussami allanneqassapput kommunalbestyrelsip atuarfiup ilusiligaanera il.il. pillugit aalajangiineri, tak. § 43, imm. 2, nr. 3-miit 7-imut.

Imm. 4. Naalackersuisut ilitsersuutaasumik nalinginnaasumik ileqqoreqqusaliussapput.”

Pissutsit atuuttut

Atuarfeqarfinnut akisussaaneq pillugu aqunneqarnerani ileqqoreqqusami ersarissarneqarpoq. Ilaatigut atuarfinnut aningaasaliinissamut, atuarfiit pisortaanik atorfinitsitsineq soraarsitsinerillu, atuarfiup ilusilersugaanera, klassinik pilersitsineq, tiiminik amerlassusiliineq, immikkut atuartsineq Kommunalbestyrelsip akisussaaffii. Atuarfinni pisortat akisussaaffii, atuartsinerup pitsaassusaanik nakkutilliineq qulakkeerinerlu, piumasarineqartut naapertorlugit paasissutissanik misissueqqissaakkanillu pissarsiarinissaanik akisussaaffik. Atuarfiit aqunnerinut atatillugu atuarfimmi siulersuisut akisussaaffii ilanngullugit allaaserineqarput, ilaatigut katitigaanera aaqquissuusaaneralu.

2009-mi kommunit kattunnerisa Maniitsumi Sisimiunilu atuarfiit aqunnerini ileqqoreqqusanik nutaanngitsunik ataqtigiissaarinissamik naleqqussaanissamillu periarfissiivoq. 2012-imi juunip 11-ni Ilinniartitaanermut, Kulturimut Sunngiffimmilu ataatsimiititaliap immikkut ataatsimiinnermini meeqqat atuarfiit aqunneqarnerinik ileqqoreqqusanut siunnersuut nutaaq, kommunimut tamanut atuuttussaq ” Qeqqata kommuniani meeqqat atuarfiisa aqunneqarnerini ileqqoreqqusaq ” saqqummiunneqarpoq. Atuarfiit aqunneqarnerini ileqqoreqqusaq akuersissutigineqarpoq, atuarfiillu siulersuisuinut tusarniaassutigineqarnissaa aalajangiunneqarluni, 2012-imi aggustip 20-ni akissuteqarnissamut piffissalerlugu, piffissaliussaq septembarip 15-ianut sivitsorneqartoq. Tamatumap kingorna aqutsinermut ileqqoreqqusamut siunnersuut Ilinniartitaanermut, Kulturimut Sunngiffimmullu Ataatsimiititaliap 2012-imi novembarip tallimaani ataatsimiinnerani, kiisalu 2012-imi decembarip ulluisa arfernani kommunalbestyrelsip ataatsimiinnerani akuersissutigineqarpoq.

Atuarfik pillugu Inatsisartut inatsississaattut siunnersuut nr. 15, 3. December 2012-imeersoq malillugu aaqquissuunneqareerluni, ileqqoreqqusaq atuarfinnut tusarniaassutigineqarpoq 2013-imi septembarip ulluisa 13-ianut killilerneqartumik. Qeqqata Kommunian Minngortuunnguup Atuarfianit, Atuarfik Kilaaseqqamit, Qinguata Atuarfianit tusarniaanermut akissutinik tiguserneerikuvoq, tusarniaanermut akissuteqaatit ilanngussatut ilanngunneqarput.

Inatsisartut inatsisaat naapertorlugi aaqquissutissat annikittualuit atuarfiit aqunneqarneranut ileqqoreqqusamut ikkussorneqareerput, aaqquissutit aappaluttumik nalunaaqutseqqapput.

Atuarfiit tusarniaanermut akissutaat:

Allaffeqarfiup atuarfinnit tusarniaanermut akissuteqaatigineqartut misissoreerpai, siunnersuutigalugulu aaqquissutit tulluuttut akuerineqassasut.

Atuarfik Kilaaseeraq § 17-imut allannguutissatut siunnersuuteqarpoq: Atuarfimmi siulersuisut angajoqqaanut ataatsimoorussamik ataatsimiisitsisarnissaat septembarip aallaqqaataa nallertinnagu pisartussaajunnaarlugu ukiap ingerlanerani pisartussatut allanngortinneqassasq.

Qullersaqarfiup innersuussutigivaa, ataatsimiinnissamut killissarititaq novembarip aallaqqaataa nallertinnagu pisartussatut allanngortinneqassasq.

Aningaasaqarnikkut allaffissornikkullu kingunerisinnaasai

Atuarfinni kommunimillu allaffissornikkut ileqqoreqqusat sakkussatut atorneqartussat manna pigineqalerput.

Ileqqoreqqusatut siunnersuut ilaatigut Qeqqata kommuniani atuarfinni pingaartitatut tunngavii, kommunalbestyrelsip akisussaaffii, atuarfinni siulersuisut akisussaaffii, atuarfimmi pisortap akisussaaffii, perorsaanermi siunnersuisoqatigiit, atuartut siunnersuisoqatigiivi kiisalu atuarfinni attaveqarnermut siunnersuisoqatigiit allaaserineqarput.

Taakku saniatigut atuarfeqarfiit ilusilersorneqarneri, aningaasaqarnikkut allaffissornikkullu sinaakkutit ilanngussani ilitersuutinilu allaaserineqarput. Ileqqoreqqusanut ataavartumik ilanngussaqaartassaaq. Pisariaqartillugu ilanngussat allanngortinneqarsinnaapput, soorlu atuarfiup ilusilersorneqarnerata, tiiminik agguaassinermi pilersaarutip allallu allanngortinneqarneranut atatillugu.

Ileqqoreqqusanut ilanngussat piffissami matumani suliarineqarput, naammassippatalu Kommunalbestyrelsimut ataavartumik saqqummiunneqassallutik.

Qullersaqarfimmit oqaaseqaatit

Qullersaqarfimmit innersuussutigineqarpoq, aqutsinermut ileqqoreqqusaaq aaqqiissutertalik akuerineqassasoq.

Allaffeqarfiup naliliinera

Allaffeqarfiup nalilerpaa, aqutsinermut ileqqoreqqusami aaqqiissutit akuerineqassasut.

Allaffeqarfiup innersuussutaa

Ilinniartitaanermut, kulturimut sunngiffimmullu ataatsimiititaliamut innersuussutigineqarpoq Meeqqat atuarfiisa aqunneqarnerinut ileqqoreqqusanut siunnersuut aaqqiissutit ilanngullugit akuersissutigineqassasoq.

Aqutsisoqatigiit aaqqiissutissanut atatillugu innersuussutaat malinneqassasut

Ilanngussat ataavartumik saqqummiunneqassasut

Aqunneqarnerimik ileqqoreqqusat tusarniaassutigineqareernerata kingorna aningaasaqarnermut ataatsimiititaliamut Kommunalbestyrelsimullu akuerisassanngorlugu ingerlateqqinneqassasoq

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap oktobarip 29-ani 2013-imi ataatsimiinnermini allaffeqarfiup innersuussutaa akuersissutigivaa.

Innersuussut

Kommunalbestyrelsimut innersuussutigineqassaaq Qeqqata kommuniani meeqqat atuarfiisa aqunneqarnerini ileqqoreqqusat akuersissutigineqassasut

Aalajangiineq

Ilanngussat

1. Qeqqata kommuniani meeqqat atuarfiisa aqunneqarnerini ileqqoreqqusanut siunnersuut.
2. Minngortuunnguup Atuarfianit tusarniaanermut akissut
 - Naluunguarfiup Atuarfianit tusarniaanermut akissut
 - Atuarfik Kilaseeraq-mit tusarniaanermut akissut
 - Qinnguata Atuarfianit tusarniaanermut akissut
 - Itillip Atuarfianit tusarniaanermut akissut

Imm. 11 Aningaasaqarnermut ataatsimiititaliap kommunalbestyrelsillu 2014-imi ataatsimiiffissaannut siunnersuut

Journalnr. 01.01.01

Aningaasaqarnermut ataatsimiititaliap kommunalbestyrelsillu 2014-imi ataatsimiiffissaannut siunnersuut.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikku/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliaq	Kommunalbestyrelsi
18. februar	27. februar
18. marts	
15. april	29. april – 2013-imut naatsorsuutit akuerineri.
20. maj	5. juni - Maniitsumi
19. august	28. august - Sisimiut
16. september – 2015-imut missingersuutit siullermeeneri	25. september - 2015-imut missingersuutit siullermeeneri
21. oktober – 2015-imut missingersuutit aappassanneeneri	30. oktober - 2015-imut missingersuutit aappassanneeneri
25. november	4. december
	Pisussat allat
	25.-27. august – 2015-imut missingersuutit pillugit isumasioqatigiinneq. Sisimiuni

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 26-ani 2013-imi ataatsimiinnermini ataatsimiiffissanut siunnersuut akuersissutigivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigaa ataatsimiiffisat siuliani taaneqartut akuerineqassasut.

Aalajangiineq

Ilanngussaq

1. 2014-imut ullorsiutit



Imm. 12 Qeqqani Inuutissarsiornermut Siunnersuisoqatigiinnik (QIS) 2014-imiit 2017-imut isumaqatigiissutip nutarternera

Journalnr. 66.15

Tunuliaqutaq

Qeqqani Inuutissarsiornermut Siunnersuisoqatigiit (QIS) Qeqqata Kommunianik kiffartuussinissamik isumaqatigiissuteqarpoq, taannalu ukiumoortumik nutarterneqartarluni. QIS siunissami sulinissamini ingerlaavarnerusumik ingerlatserusulluni ukiunut arlalinnut isumaqatigiissuteqarnissaq kissaatigisimavaa, taamaattumillu allaffeqarfiup QIS-ip peqatigalugu ukiunut sisamanut 2014-imiit 2017-imut isumaqatigiissusiassaq saqqumiuppaat.

Maleruagassatigut tunngavissaq

Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataannissaminnut periarfissaat pillugit Inatsisartut inatsisissaat nr. 23, 18. december 2003-meersoq.

Pissutsit atuuttut

2013-imut 1.725.000 koruuninik nalilimmik isumaqatigiissummut sanilliullugu, 2014-imut tapiissutissat akitigut akissarsiallu iluarsiiiffinerisigut 26.000 koruuninik qaffallutik 1.751.000 koruuniusapput. Tapiissutissallu 2014-imiit 2017-imut ukinut sisamanoortuussallutik.

2013-imi aningaasaqarnermut ataatsimiititaliap pilersaarutinut 362.000 koruunit akuersissutigivai. Taakkulu aningaasaliissutit aningaasartuuteqarsimanermut uppersaasat tunniunneqarangaanattunniunneqartarlutik. Isumaqatigiissutissatut siunnersuut Advokatfirmaet Malling & Hansen Damikkunnit misissorneqarlunilu nalilersuiffiqineqarpoq, taamalu isikkumigut allanngortitaalluni ilaati-
gutt immikkoortukkaanut normulersorlugu.

2013-imut isumaqatigiissummut sanilliullugu, tulliuuttut allanngutaapput oqaaseqaateqarfiullutik:

Isumaqatigiissummi piffissaliussaq

Immikkoortut 1.1-imiit 1.3-mut

Isumaqatigiissut manna 2014-imi januaarip aallaqqaataaniit atuutilissaaq, taamalu aningaasanik akuersissuteqartartut akuersineratigut, 2014-ip saniatigut aamma 2015-imut, 2016-imut 2017-imullu atuutissalluni. Isumaqatigiissut ukiuni sisamani atuukkunnaartitaasinnaangilaq, kommunalbestyrelsi ukiukkaartumik aningaasaliissuteqartarpoq, naatsorsuutillu matuneqarnerisigut atuukkunnaartarlutik. Ukiumi siullermi akuersissuteqarfiusumi ukiunullu tulliuuttunut pingasunut missiliuteqarluni, kommunalbestyrelsimut ukiut missiliuteqarfiusut pituttuisussatut inatsisitigut pisussaaffiliisutut isiginiarneqarsinnaangillat, kommunalbestyrelsimi kingusinnerusukkut allatut aningaasaliissuteqarnissaq sipaaruteqarnissarlunniit aalajangiussinnaavaa.

Isumaqatigiissutikkut killiliussat

Immikkoortut 2.1-miit 2-7-imut

Killiliussat imatut allanngortinneqassapput, tassa isumaqatigiissut QIS-illu ileqqoreqqusai imminnut akerleriitsillugit isumaqatigiissutip oqarasertai aalajangiisuusallutik. Tamatumani tunuliaqutaavoq, QIS-i qaqugukkullunniit Qeqqata Kommunianik avaqqullugu ileqqoreqqusami oqaasertaanik allanngortitsinnaammatt, taamalu kiffartuussinissamik isumaqatigiissut taanna putoqalersillugu sanioq-qussinnaallugu. Illuatungaaticullu isumaqatigiissutip oqaasertai QIS-ip isumaqatigiissutaani oqaasertai pinnatik aalajangiissusaatillugit, tamanna kommunimit iliuuseqarfigineqassaaq aalajangiiffiqineqarlunilu, tassa kiffartuussinissamik isumaqatigiissutip avataatigut pisoqassatillugu.

Sulisorisat

Immikkoortut 4.1-miit 4.2-mut

Aalisarnermut piniarnermullu siunnersortit nuunneqarnissaat immikkut isumaqatigiissuteqarnikkut pissagaluarpat, taava aalisarnermut piniarnermullu siunnersortit pillugit isumaqatigiissummut tapiis-suteqarnissaq matumani isumaqatigiissummiit peerneqassamat.

Isumaqatigiissutip nalinga akiliutillu

Immikkoortut 5.1-imiit 5.6-imut

Ukiuortoortumik isumaqatigiissutip nalinga Kalaallit Nunaanni Misissueqqissaartarfiup akitigut nalunaarsuutai naapertorlugit ukiumut ataasiarlugu januaarip aallaqqaataani iluarsiiqqineqartas-saaq.

QIS-ip nalinginnaasumik pisussaaffii

Immikkoortut 6.1-imiit 6-16-imut

Aalajannersagaq piunasaqaatitaqarpoq, tassalu QIS isumaqatigiissutip nalinga (akia) taamaallat isumaqatigiissummi isumaqatigiissutaasunut atorsinnaammagu, QIS-illu aningaasaliissutit inuutis-sarsiutilinnut allanut unammallernikkut atussanngikkai. Tamatumani kommunip aningaasaliissutai pineqarmata, kommunilu kommuninik pisinnaatitsissummi malittarisassanut atatillugu inuutissarsi-utaatillit ataasiakkaat tapersersortussanngimmagit, tassa allanut unammillertuuppata.

QIS-i qaamatit pingasukkaarlugit iliuusitigut isumaqatigiissutillu matuma nalingata sutigut atorne-ranut nalunaarusiortarnissamat pisussaaffiligaavoq. Nalunaarusiaq kingusinnerpaamik qaammatit pingasukkaat kingulliata naaneranut saqqumiunneqartassaaq. Taamaalilluni 2014-imi januaarip qaammataanut pingasukkanut nalunaarusiassaq, apriilip naanerani saqqummiunneqartassaaq.

Kommuni aningaasat tunniutassat uninngatinnissaannut pisinnaatinneqassaaq, tassa QIS nalunaaru-siassat pisussaaffini tunniutinngippagit, taamaattoqarneratigummi kiffartuussinikkut isumaqatigiis-sutip nalinganik iliuusissatigut atuinermik kommunip malinnaanissaralua unioqqutinneqassamat. Tunniussassaraluanik unitsitsisinnaaneq iluaqutaasussaavoq, tassa QIS-ip nalunaarusiamik tunnius-sisarnissaanut kajumissaarutaassagami.

Atuilluortuunissakkut kingunerisinnaasai

QIS arlippassuartigut atuilluortuunissamik pilersaarutinut attuumassuteqarpoq, tamakkulu aamma kiffartuussinissamik isumaqatigiissutissatut siunnersuummi ilanngutaapput.

Aningaasaqarnikkut allaffissornikkullu kingunerisinnaasai

Qeqqata Kommuniata kattussuuttoqarmalli aningaasatigut sakkortuumik aqutsineq ingerlatarivaa, sulilu ingerlataralugu. Sumiiffimmi/najukkami inuutissarsiutitigut takornariaqarnikkullu ineriartor-titsinikkut kiffartuussinissamik ukiunut sisiamanut isumaqatigiissuteqarnikkut, QIS ukiunut arlalin-nut pilersaarusiornissaanut periarfissaqartinneqalissaaq.

Isumaqatigiissut kommunimut 2014-imi 1.751.000 koruuninik naleqassaaq, aammalu 2015-imut, 2016-imut 2017-imullu ukiumut kiffartuussinerup nalinga Kalaallit Nunaanni Misissueqqissaartarfi-up akitigut nalunaarsuutai naapertorlugit ukiumut ataasiarlugu januaarip aallaqqaataani iluarsiiqqi-neqartassalluni.

Kommunalbestyrelsip 2014-imut 1.425.000 koruunit kontukkut 37-01-00-35-01 Qeqqani Inuutissarsiornermut Siunnersuisoqatigiinnut tapiissutit akuersissutiginiuuai, taamalu kiffartuussinissamik isumaqatigiissutissakkut matumuuna 326.000 koruunit amigaataassallutik. Aningaasatigut amigaataasussat aaqqiiffiginarlugit, konto 37-01-10-35-02-miillu Sisimiuni Inuutissarsiuutitigut ineriartortitsinermit tapiissutiniit 163.000 koruunit, kiisalu konto 37-01-20-35-01 Maniitsumi Inuutissarsiuutitigut ineriartortitsinermit tapiissutiniit 163.000 koruunit tiguneqarsinnaapput.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, QIS-imik ukiunut sisamanut Kiffartuussinikkut isumaqatigiissusiornissaq pissusissamisussasoq, taamaaliornikkut Qeqqata Kommuniani inuutissarsiuutitigut takornariaqarnikkullu ineriartortitsineq eqaannerusumik ingerlanneqarsinnaassammat.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 26-ani 2013-imi ataatsimiinnermini suliaq suliarivaa.

Innersuussut

Kommunalbestyrelsimut akuereqqullugit innersuussutigineqassapput:

- Qeqqata Kommuniata QIS-illu akornanni kiffartuussinissamik isumaqatigiissut
- Kiffartuussinissamik isumaqatigiissut ataavartumik 1.751.000 koruuninut qaffanneqassasoq, taakkulu kontunit tulliuttuniit aningaasaliiffigineqassasut:
- Kr. 1.425.000, 37-01-00-35-01 Qeqqani Inuutissarsiornermut Siunnersuisoqatigiinnut tapiissutiniit
- Kr. 326.000 ukuninngaaniit:
 - Kr. 163.000 fra 37-01-10-35-02 Sisimiuni Inuutissarsiuutitigut ineriartortitsinermit tapiissutiniit, kiisalu
 - Kr. 163.000 fra 37-01-20-35-02 Maniitsumi Inuutissarsiuutitigut ineriartortitsinermit tapiissutiniit

Aalajangiineq

Ilanngussaq

1. Kiffartuussinissamik isumaqatigiissut – Qeqqata Kommuniata Qeqqatalu Inuutissarsiornermi Sisunnersuisoqartiit akornanni isumaqatigiissut

Imm. 13 “Nunaqarfimmi aqutsisut inuusuttaai”-nik aallartitsisoqarsinnaanerani inassuteqaat

Journalnr. 01.10.00

Tunuliaqutaq

Kangaamiuni nunaqarfimmi aqutsisut, “Nunaqarfimmi aqutsisut inuusuttai”-nik aallartitsisoqarsinnaanerani inassuteqaat pillugu kommunalbestyrelsimut allagaqarput novembarip 18-ani 2013-imi.

Siunnersuummut tunngavilersuutigineqarpoq. ukiuni kingulliunerusuni politikikkut sulinermi soqutiginnineq annertusarniarlugu kiisalu nunaqarfimmi inuusuttuuneq pillugu isummersuutit oqariartuutillu katersorneqarnissaat siunertarlugu aqqissuussineqartariaqartoq Kangaaminiit kissaatigineqarmat.

Takorloorneqarlunilu Qeqqata Kommuniani nunaqarfiit tamarmik peqataatitaqarfigisaannik ukiup tlissaanut inuusuttunut katerisitsisoqarluni aqqissuussisoqarsinnaasoq, tamannalu piviusunngortinneqarsinnaasoq Qeqqata Kommuniani nunaqarfiit tamarmik aningaasaleeqataanerisigut kiisalu aningaasaateqarfinnut assigiinngitsunut qinnutqearnikkut.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut nunaqarfinni ataqatigiissarisumut suliassanngorlugu ingerlateqqinneqassasoq.

Aalajangiineq

Ilanngussaq

1. Kangaamiuni nunaqarfimmi aqutsisut allagaat 18.11.2013-imeersoq

Imm. 14 Atassummiit siunnersuut – kommunip allaffiisa pingasunngornermi matoqqasarnerata atorunnaarsinneqarnissaa

Journalnr. 02.16

Baggrund

Atassut-Sisimiut-niik matumuuna kommunalbestyrelsemi oqaluuserisassatut siunnersuutigerusuppara Qeqqata Kommuniani kommunip allaffiisa pingasunngornermi matoqqasarnerata atorunnarsinneqarnissaa

“tunnqavilersuut:

Ullumikkut kommunip allaffiitut innuttaasutut saaffiginninniaaraanni sapaatip akunnerani akunnerit taamaallaat 16-it periarfissarineqarput tamannalu innuttaasunut qanimut sullissinissamut tulluusorinangimmat, matumuuna kommunalbestyrelsemi eqqartugassanngorlugu siunnersuutigaara, isumaqarama pisariaqavinngitsoq kommunep allaffia tamarsuarmi matoqqasariaqartoq.

akuersaarneqarsinnaangilaq inunnik isumaginninnermi saaffiginninniaaraanni qaammat utaqqisariaqarneq, tamanna innuttaasunik sullissilluarnissamut naapertuuttuunngilaq, ilaqartarpummi pisariaqartitsilluinnaraangamik aatsaat saaffiginnittartut.

taamaammat Atassut-Sisimiut-niik kommunep allaffiata pingasunngornikkut matoqqasarnerata atorunnaarsinneqarnissaa siunnersuutigaara.”

Maleruagassatigut tunnqavissaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi § 24 naapertorlugu, kommunip suliassaqarfiinik ingerlatsinermut aningaasaqarnermut ataatsimiititaliaq isumaginnittuussaaq.

Pissutsit atuuttut

Kingullermik kommunip allaffiata ammasarfii allannqortinneqarput 2012-imi apiilip 26-ni kommunalbestyrelsip ataatsimiinnermini, taamanilu sisamannqornikkut ammarsarfik nal. 10:00-17:00-imiit sivikillitinneqarluni nal. 10:00 – 14:00-imut, taamaattorli innuttaasut saaffiginnittarfianni sivilunerusumik ammasarfik nal. 17:00 atuutsinneqaannarluni.

Ullumikkut ammasarfiit Qeqqata Kommuniata allaffeqarfiini tamani atuuttut imaapput:

Ataasinngorneq marlunngornerlu	10:00 - 14:00
Pingasunngornikkut	karse ilanngullugu matoqqasarpoq
Sisamannqornikkut	10:00 – 14:00. Illoqarfinni innuttaasunik kiff. nal. 17:00
Tallimannqornikkut	10:00 - 14:00

Allaffeqarfiup naliliinera

Siunnersuuteqartup Ilaqtariinnik immikkoortorta q pingaartillugu tikkuaaffigimmagu maluginiaqquneqassaaq, sapaatip akunneranut matoqqarsarfik imatut atorneqartarmat:

- Meeqqat inuusuttullu eqqarsaatigalugit oqartussaasoqarfiit assigiinngitsunik suliallit suleqatigiiffiani aalajangersimasumik ataatsimiittarnerit (meeqqanut inuusuttunullu peqqussutikkut piumasaqaat).
- Ilaqtariinnermut, Ilinniartitaanermut suliffissaqartitsiniarnermullu immikkoortortani aalajangersimasumik ataatsimiittarnerit.



- Ilaqtariinnermut immikkoortortami sullissisut Ilaqtariinnillu Kiffartuussivimmi sulisut suliat ingerlatat malinnaaffiginiarlugit ataatsimeeqatigiittarneri, ilaatigut qanoq pisoqannginnerani iliuusissat eqqarsaatigalugit, imaluunniit iliuusissat ingerlareersut malinnaaffiginiarlugit.
- Allatigut suleqatinik ataatsimeeqateqartarnerit, matumani sulisut ataasimiittarneri ilanngulugit
- Suliassat allaffissornerlu annertusiartortoq, soorlu inunnut ataasiakkaanut tunngasut ilaqtariinnermut ataatsimiititaliamukartut.
- Inissisarnerit kiisalu suliat allat annertunerusut aningaasartuutaanerusullu malinnaaffigineri.
- Sammisagartitsineq (suliat arlaannik)
- Illup iluani pikkorissarnerit – soorlu inatsisit misissuiffigalugit, allaffissornerit malittarsassat il.il.

Taamatuttaaq immikkoortortat allat suliaqartarput.

Matoqqasarnerit sullissisunut allanullu innuttaasunik kiffartuussivimmi sulinikkut annertuumik ilu-aqutaammata, tassa ataqatigiissaarilluni ataatsimeeqatigiittarnertigut, kiisalu suliat oqimaannerusut samminerunissaannut, Ilaqtariinnermut immikkoortortap ersissutigivaa, innuttaasunik kiffartuussinerup pitsaannginnerulersinnaanera, taamalu matoqqasarneq atuukkunnaarsitaagaluarpat sullinernissaminnik utaqqisunut utaqqinarnerulissasoq.

Taamaattumillu allaffeqarfiup siunnersuutigissavaa, matoqqasarnerup atuukkunnaarnissaa kissaati-gineqarpat, taava ”tiimit annaasat” nalinginnaasumik ammasarfiit allangortinnerisigut aqqin-qartariaqartut, taamaattorli allaffeqarfiup ammasarnerani tiimit atukkat taakkujuassasut. Ammasarfiimmi sivitsorneqassagaluarpata sulisut amerlisariaqalissammata.

Innersuussut

Allaffeqarfiup kommunalbestyrelsimut innersuussutigissavaa, allaffeqarfik kommunalbestyrelsimut ukiumi nutaami ataatsimiinnissaanut siullermut ammasarfiit allangortinnissaannik siunnersuusiusasooq.

Aalajangiineq

Ilanngussaq

1. Atassut-Sisimiut-niik matumuuna kommunalbestyrelsemi oqaluuserisassatut Qeqqata Kommuni-ani kommunip allaffiisa pingasunngornermi matoqqasarnerata atorunnarsinneqarnissaanut siunnersuut mailikkut 2013-imi novembarip aallaqqaataaneersoq.

Imm. 15 Kommunalbestyrelsimiit sulinnikkallarnissamik qinnuteqaat – Siverth K. Heilmann

Journalnr. 01.01.03

Tunuliaqutaq

Novembarip 5-ani 2013-imi Inatsisartut ataatsimiinneranni Naalakkersuisunut ilaasortatut toqqagaa-reernerup kingorna Ineqarnermut Naalakkersuisunngornini pequtigalugu Siverth K. Heilmann kommunalbestyrelsimiit sulinnikkallarnissamik qinnuteqarpoq.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersoq § 54 ima allassimavoq:

Imm.1 Ilaasorta qinigaaffiup iluani kommunalbestyrelsimiit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaansoq.

Imm. 2. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginaasumik akuerineqassaaq.”

Pissutsit atuuttut

Qinnuteqaat tunngavissaqarluarmat, qinnuteqaat akuerineqartariaqarpoq.

Siverth K. Heilmannip kommunalbestyrelsimi qinikkatut sulinnikkallarnenerani, Atassummiit sumiiffimmi sinniissusat allattorsimaffik naapertorlugu, siullertut allassimasoq Jan Boller kommunalbestyrelsimi ilaasortanngussaaq.

Innersuussut

Kommunimi pisortaanerut kommunalbestyrelsimut tullinnguuttut akuerisassanngorlugit innersuussutigai:

1. Siverth K. Heilmann kommunalbestyrelsimiit sulinnikkallarnissaa akuersissutigineqasasooq, qinigaaffimmilu atuuttumi Naalakkersuisuni ilaasortaattilluni sulinnikkallassasooq.
2. Siverth K. Heilmann kommunalbestyrelsimiit sulinnikkallarnenerani, Jan Boller kommunalbestyrelsimi ilaasortanngussasooq.

Aalajangiineq

Ilanngussaq

1. Siverth K. Heilmannip kommunalbestyrelsimiit sulinnikkallarnissamut qinnuteqaataa novembarip 6-ani 2013.

Imm. 16 Borgmesterip tulliaata aappaanik ataatsimiititalianilu ilaasortanik nutaanik sinniisussaannillu toqqaaneq

Journalnr. 01.01.03

Tunuliaqutaq

Siverth K. Heilmannip kommunalbestyrelsimiit sulinngikkallarnerani qinersinermi suleqatigiit, Siumut Atassullu qinnuigineqassapput, borgmesterip tulliaata aappaanik ataatsimiititalianut il.il. ilaasortassanik sinniisussaannillu kommunalbestyrelsimut akuereqqullugit innersuussuteqaqqullugit.

Maleruagassatigut tunngavissaq

Kommunit aqunneqarnerat piullugu Inatsartut inatsisaat nr. 22-ip, 18. november 2010-meersumi

§ 7. Imm. 3-mi allaqqavoq:

”Borgmesteri imaluunniit borgmesterip tullia akuerineqarluni atorfimminiit tunuarpat, toqppat imaluunniit kommunalbestyrelsimiit tunuarpat nutaanik qinersineqassaaq malittarisassat § 6-imiittut naapertorlugit, kommunalbestyrelsip piffissami qinigaaffiata sinnerani atuuttussamik. Borgmesterip tullii marluk qinerneqarsimappata inissaq inuttaaruttoq kommunalbestyrelsimi gruppimit toqqaasimasunit inuttalerneqassaaq.”

§ 37. imm. 1-imi allaqqavoq:

*”Piffissaq qinigaaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inue-
ruttoq suleqatigiinnit taakkunanga inuttalerneqassaaq.”*

Pissutsit atuuttut

Borgmesterip tulliaata aappaanik toqqaasoqassaaq.

Tulliuttunilu **ilaasortassamik nutaanik** toqqaasoqassaaq:

Aningaasaqarnermut ataatsimiititaliaq

Inuussutissarsiutinut Suliffissaqartitsiniarnermullu ataatsimiititaliaq

Pisuusutit Umassusillit pillugit ataatsimiititaliaq

Tulliuttunilu **sinniisussanik nutaanik** toqqaasoqassalluni:

Teknikkimut Avatangiisinullu ataatsimiititaliami ilaasortamut Mette Sofie Lerch, Atassut

Ilaqtariinnermut ataatsimiititaliami ilaasortamut Mette Sorie Lerch, Atassut

Ilinniartitaanermut Kulturimut Sunngiffimmullu ataatsimiititaliami ilaasortamut Tønnes Kreutzmann, Atassut

Aatsitassanut Attaveqaqatigiinnermullu ataatsimiititaliami ilaasortamut Mette Sofie Lerch, Atassut

Innersuussut

Qinersinermi taaseqatigiittarnissamik isumaqatigiissuteqartut Siumut Atassullu, tulliuttuni kommunalbestyrelsimut toqqagassatut akuereqqullugit innersuusuteqassapput

Borgmesterip tulliata aappaa

Ilaasortassaq nutaaq:

Aningaasaqarnermut ataatsimiititaliami

Inuusutissarsiutinut Suliffissaqartitsiniarnermullu ataatsimiititaliami

Pisuusutit Umassusillit pillugit ataatsimiititaliami

Sinniisussaq nutaaq:

Teknikkimut Avatangiisinullu ataatsimititaliami ilaasortamut Mette Sofie Lerch, Atassut

Ilaqutariinnermut ataatsimiititaliami ilaasortamut Mette Sorie Lerch, Atassut

Ilinniartitaanermut Kulturimut Sunngiffimmullu ataatsimiititaliami ilaasortamut Tønnes Kreutzmann, Atassut

Aatsitassanut Attaveqaqatigiinnermullu ataatsimiititaliami ilaasortamut Mette Sofie Lerch, Atassut

Aalajangiineq

Ilanngussaq

1. Ataatsimiititaliani ilaasortat allatorsimaffiat

Imm. 17 Borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. xx, xx. xxxx 2013-imeersoq pillugu tusarniummut paasissutissiisut

Journalnr. 03.09.04

Tunuliaqutaq

Borgmesterinut taakkulu aappaannut meeraannullu pensionisiaqartitsineq pillugu nalunaarummut allannguutissatut siunnersuut pillugu tusarniut, Namminersorlutik Oqartussat 2013-imi novembarip 6-iani nassiuppaat.

Nutaatut nalunaarutissaq 2014-imi januaarip aallaqqaataani atuutilersussatut kissaatigineqarmat, tusarniutigineqarnissaa sapaatip akunnerinit tallimanit sisamanut sivikillisinneqarpoq, kingusinnerpaamik 2013-imi decembarip sisamaani akissuteqarfigineqassaaq, taamaattumillu kommunalbestyrelsip 2013-imi decembarip tallimaani ataatsimiinnissaanut angumeqqussinnaanani.

Nutaatut nalunaarutissaq kommunit aqunneqarneri pillugit inatsisartut inatsisaannik qanittukkut akuersissutaasumik toqqammaveqarluni suliaavoq, inatsilli kommuninit sulii tiguneqarnikuunngilaq.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010.

Pissutsit atuuttut

Inatsiartut inatsisaat nutaaq ukiaq manna ataatsimiinnermi Inatsisartunit akuersissutaasumi, taama-tullu nalunaarusiassatut siunnersuutaasumi piumasarineqarpoq, borgmesterit 2013-imi maajip aallaqqaataatalu tungaanut borgmesteriulersimasut borgmesteriujunnaarsimallutillu, malittarisassanit nutaanik eqqugaassanngitsut.

Tusarniummi § 1 massakkut atuuttumut sanilliullugu nutaajuvoq, tassanilu paragraffit taaneqartut nutaajullutik, tassa nutaatut nalunaarutissatut siunnersuummi §§ 10-11-lu inummut namminermut pansionisianut aaqqiissuussinerit nutaatut ilanngutaagamik.

Tamatuma kinguneranik §§ 2-miit 6-imut nammineq pensionisiassatut § 10-lu inummut namminermut pansionisianut aaqqiissuussinerit ikaarsaariarnerup nalaannaani periarfissiisutit toqqarneqarsinnaassallutik. Siunissami borgmesterissatut toqqagaasussanut § 10 naapertorlugu aaqqinneqartassapput. Malittarisassat pineqartut taakku Inatsisartuni Naalakkersuisunilu ilaasortanut atuuttut assigivaat.

Borgmesterip §§ 2-miit 6-imut periarfissaq toqqaruniuk, taava borgmesterimut namminermut pansionisianut aaqqiissuteqartoqassanngilaq. Taamaaliornikkut pansionisiassanut 10 procentimik akiliisoqartassanngilaq, 5 procentinillu unitsitsinikkut ikioraasoqalissalluni.

Borgmesteri § 10 naapertorlugu aaqqiissuteqarfiussappat, ullumikkumut pansionisiaqarnissamik pisinnaatitaaffiit (sivikinnerpaamik ukiuni arfineq-pingasuni borgmesteriusimagaanni) pigineqaan-nassapput, pineqartorlu borgmesteriujunnaarsimappat 60-liillunilu pansionisiassat kommunimiit tunniunneqartassallutik.

§ 10-li naapertorlugu aaqqiissuteqarnissaq toqqarneqarsimappat, taava PFA Soraarnej aqutigalugu pansionisiassat aaqqinneqassapput. Tamannalu ullumikkut borgmesteriusunut 2014-imi januaarip aallaqqaataaniit atuutilissalluni, ullorlu taanna, tassalu 2014-mi januaarimut akissarsiassaniit 10 procentinik akiliinikkut 5 procentinillu unitsitinikkut pansionisiassanut ikioraasoqalissalluni.

Borgmesterinut § 10 naapertorlugu aaqqiissuteqarfiusunut, pensioneqalernissamik pisinnaatitaaffeqarlenrissamut qanoq sivisutigisumik taamatut atuussimanissaq piumasaqaataanngilaq. Taamaattorli pensionisiassat annertussusissaatigut ilaatigut malunniuteqassalluni, tassa qanoq annertutigisumik pensionisiassanut ikioraasimaneq apeqqutaassalluni, tamannalu soorunalimi ukiuni qassini borgmesteritut atuussimaneq apeqqutaalluni malunnarnerususaassalluni.

Maluginiaqquneqassaaq, Inatsisartuni Naalakkersuisunilu ilaasortat 2004-mi januaarip aallaqqaataaniilli, PFA Soraarnek aqqutigalugu pensionisiaqarnissamik aaqqissuussinikkuinnaq aaqqitaammata. § 10-mi malittarisassat qulakkeerppaat, siunissami borgmesterit Inatsisartuni Naalakkersuisunilu ilaasortatuulli aaqqiiffigineqarnissaat, borgmesterit ikaarsaariarnermi § 2-miit 6-imut aaqqiissuteqarnissamik toqqaasimasut kisiisa pinnagit.

Aningaasaqarnikkut allaffissornikkullu kingunerisinnaasai

Nutaatut nalunaarutissaq aningaasaqarnikkut allaffissornikkulluunniit kommunimut kinguneqassanngilaq.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup naliliiffigivaa, nutaatut nalunaarusiassaq siusinnerusukkut massakkumullu pensionisiassaqartitaanissamik borgmesteriusunut ajornerusumik kinguneqartitassaanngimmat, taamaattorli borgmesteri § 2-miit § 6-imut naapertorlugu aaqqiissuteqartoqarfiussanerluni, imaluunniit inummut namminermt pensionisianut § 10-11-lu naapertorlugit aaqqiissuteqarfiussanerluni 2014-mi februaarip naannginnerani aalajangiisariaqassalluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 26-ani 2013-imi ataatsimiinnerani tusarniut paasissutissatut tiguneqarpoq.

Innersuussut

Kommunalbestyrelsimut innersuussutigineqarpoq tusarniut tusaatissatut tiguneqassasoq.

Aalajangiineq

Ilanngussat

1. Aningaasaqarnermut Nunamullu namminermt Naalakkersuisoqarfiup 2013-imi novembarip 6-ani tusarniutitut allakkiaa.
2. Nalunaarusiassatut siunnersuut
3. Borgmesterit soraarnerussutisiaat qinigaajunnaarneriutaallu aammalu taakkua aappaasa meerasalu taakkuninnga pissarsisinnaneri pillugit Namminersorlutik Oqartussat nalunaarutaat nr. 8, 24. maj 2012-imeersoq



**Imm. 18 Akissarsiaqartitsineq pillugu nalunaarutip allannguutai pillugit tusarniut – sumiif-
finni ataatsimiititaliat ilanngunneri pillugit paasissutissiisut**

Journalnr. 03.08.00

Tunuliaqutaq

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaanut allannguutissatut siunnersuummik Namminersorlutik Oqartussat mailikkut novembarip arferngani 2013-imi 2013-imilu novembarip 19-ani iluarsisutikkut tusarniummik nassitsipput.

Nutaatut nalunaarutissaq 2014-imi januaarip aallaqqaataani atuutilersussatut kissaatigineqarmat, tusarniutigineqarnissaa sapaatip akunnerinit tallimanit sisamanut sivikillisinneqarpoq, kingusinnerpaamik 2013-imi decembarip sisamaani akissuteqarfigineqassaaq, taamaattumillu kommunalbestyrelsip 2013-imi decembarip tallimaani ataatsimiinnissaanut angumeqqussinnaanani.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010. Nalunaarut kommunit aqunneqarneri pillugit inatsisartut inatsisaannik tunngaviligaasoq ukiaanerani Inatsisartut ataatsimiinneranni akuersissutaavoq.

Pissutsit atuuttut

Inatsisartut inatsisaat nutaaq kommunalbestyrelsit kommunimi najukkami illoqarfinni tamani ataatsimiititaliamik ataatsimik arlalinnilluunniit ivertitsisinnaanerat, kommunalbestyrelsimilu ilaasortaannigtsunut najukkami ataatsimiititaliani ilaasortaasunut akissarsiaqartitsisinnaanerat ukiaq manna Inatsisartut ataatsimiinneranni akuersissutigivaat. Aammattaaq akissarsiaqartitsisinnaaneq Naalakkersuisut qaffasinnerpaaffiliussaata naapertorlugu pisinnaalluni.

Inatsisartut inatsisaata allannguutaa naapertorlugu, kommunalbestyrelsit najukkami ataatsimiititaliamik/-nik ivertitsisinnaapput. Taamaattumik allannguut taamaallaat § 15-miit 17-imut najukkami ataatsimiititaliami/-ni ilaasortanik akissarsiaqartitsisinnaanermik allannguuteqartitsisuuvoq.

Najukkami ataatsimiititaliaq/-at akissarsiaqartitaanissaat nunaqarfimmi aqutsisuni ilaasortat akissarsiaqartitaanerinit naapertuuppoq, tassa 2014-imi apriilip aallaqqaataata tungaanut ukiumoortup 1/12-ia qaammammut 6.196,31 koruuniusoq, tamatumalu kingorna ilaasortamut ataatsimut qaammammut 6.227,63 koruuninngussalluni.

Najukkami ataatsimiititaliat akissarsiaqartitaalernissaasa periarfissinneqarnerata saniatigut Namminersorlutik Oqartussat 2013-imi novembarip 19-i nalunaarutigivaat, borgmesterit il.il. qinigaajunnaarnerisuteqartitaasarnerat mininneqarsimammat nutaamik akissarsiaqartitsisarnermi nalunaarusiamik tusarniuteqartoqassasoq, taamaattumillu nutaamik immikkoortunik § 12-imiit 14-imut ilanngussisoqassalluni.

Borgmesterit qinigaajunnaarnerisutaat ukiup allartinnerinit tamatigut pissarsiassanngortarpoq, tassa taamaalinerani qaammat affarlu pissarsiassanngortarmat, taamaattorli ukiup ataatsip ingerlanerani qaammatit aqqaneq-marluinnaat pissarsiffiusinnaasarlutik. Borgmesterit qinigaajunnaarnerisutissaa Inatsisartuni Naalakkersuisunilu ilaasortat pissarsitinneqartarnerat naapertorpaat, aamma tamatumani qaammat affarlu ukiup atuuffiusup allartinneri tamaasa pissarsiassanngortarluni, ukiumullu qaammatit aqqaneq-marluk annerpaaffigisarlugit.

Aningaasaqarnikkut allaffissornikkullu kingunerisinnaasai

Najukkami ataatsimiititaliamut/-nut ilaasortap akissarsiassaata, ataatsimiititaliat Maniitsumi Sisimiunilu qanoq amerlatigissusissaannik kommunalbestyrelsip aalajanginissaata annertussusilissavai, aningaasartuutissammi ataatsimiititaliami ilaasortamut ataatsimut 2014-mi apriliip aallaqqaataata tungaanut qaammammut 6.196,31 koruuniussapput, tamatumalu kingorna qaammammut 6.227,63 koruuniussallutik.

Qullersaqarfiup oqaaseqaataa

Immikkut oqaaseqaatitassaqaangilaq.

Allaffeqarfiup naliliinera

Allaffeqarfik naliliivoq, akissarsiaqartitsinissamik siunnersuut tusaatissatut tiguneqassasoq, taamaalilluni najukkami ataatsimiititaliani ilaasortanngortussat toqqakkatut suliaqarnissaminni akissarsiaqarsinnaanissaat periarfissinniarlugu.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 26-ani 2013-imi ataatsimiinnerani tusarniut paasissutissatut tiguneqarpoq.

Innersuussut

Kommunalbestyrelsimut innersuussutigineqarpoq tusarniut tusaatissatut tiguneqassasoq.

Aalajangiineq

Ilanngussat

1. + 1a Aningaasaqarnermut Nunamullu namminermit Naalakkersuisoqarfiup 2013-imi novembarip 6-ani tusarniutitut allakkiaa.
1. Nalunaarusiassatut siunnersuut
2. Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarutaat nr. 1, 21. januar 2011-meersoq

Imm. 19 Tamalaat